




14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44


古430  
古492-30  
574.1  
部-1128





子  
651

釋  
卷  
第  
一  
章



樓松書屋汪氏本皖南  
洪氏晦木齋集賢摹刻  
同治十年曾國藩署檢



荆塘義學初印本

隸釋序




三藩義學初印本

秦燔書廢古訓而官獄多事乃令下杜人程邈作小篆而邈復獻隸書所以施之徒隸趨簡易也亦曰佐書漢魏之際蔡邕鍾繇梁鵠邯鄲淳俱有書名後魏鄴道元注水經漢碑之竝川者始見其書蓋數十百餘陵遷谷變火赫風剝至宣政和間已亡其什八本朝歐陽公趙明誠好藏金石刻漢隸之著錄者歐陽氏七十五卷趙氏多歐陽九十三卷而闕其六自中原厄於兵南北壤斷遺刻耗矣予三十年訪求尚闕

趙錄四之一而近歲新出者亦三十餘趙蓋未見也  
既法其字為之韻復辨其字為之釋使學隸者藉書  
以讀碑則歷歷在目而咀味菁華亦翰墨之一助唯  
老子張公神費鳳三數碑有撰人名氏若華山亭為  
衛覲之文見于它說者財一二爾其文或險而難解  
澀而太鑿者譬之紀甌部鼎皆三代勵存之器其剝  
缺不成章與魏初之文數篇附于後如斷圭殘璧亦  
可寶自劉熹賈逵已下字畫不足取者皆不著乾道  
三年正月八日鄱陽洪适景伯序

宋丞相番陽洪文惠公耽耆隸古會粹漢刻區  
別五種書譯其文曰隸釋繼此以注曰隸續毛  
舉數字曰隸續倚聲所彙之曰隸韻見於扁額  
谷肖其形曰隸圖醜式十七卷續式十式卷續  
十卷韻七卷圖三卷白醜以下世罕傳續琴  
川毛氏本尚少式卷而闕譌孔幼續見吾家學  
古編刻石會稽蓬萊閣韻見晁氏讀書志錢遵  
王肯其半圖見於隸續而傳摹失真獨此式十  
七卷井然不紊余既鈔得集古金石二錄三十  
卷之目又得此百八十九之文集晉象犀珠王


之外網得珊瑚木難云大末吾進繕校并識



右隸釋二十七卷宋丞相洪文惠公适景伯氏所著也上自建武迄於黃初青龍而以典午所刊張平子一碑殿之自劉熹賈逵以下悉棄不錄徵引辨證視歐陽趙氏兩書尤為精覈薦古之士珍如球璧特是書易隸為楷轉寫至易譌舛又漢人作隸往往好假借通用或加或省或變或行奇古譎怪中雜篆籀不知者妄加改竄愈失鄱陽之舊每一展卷真有若玉局所云如箝在口者也余從金閭借得傳是樓鈔本悉心讎勘較之明季鏤版大相逕庭於馮緄碑補三十字孫叔敖碑補三十八字武梁祠堂記補十二字

四老神坐神祚机增入綺里季一行至武梁碑明刻  
脫去碑文止存其末數語及銘文而誤以武斑碑釋  
文闌入又缺其後一段魏公卿上尊號奏及受禪表  
二碑前後互相錯簡並一一為之釐定增補復以隸  
韻字原石墨鐫華金薤琳琅諸書參攷得失偏旁點  
畫尤多所訂正其無可據依者悉仍其故以示傳疑  
之意雖不能無毫髮遺恨然於盤洲老人盱衡擊節  
輟食罷寢之苦心或庶幾表章萬一云爾歲在彊圉  
作噩壯月上澣錢塘汪日秀跋

隸釋隸續二書金石家奉為圭臬惜宋槧不可  
得浙西唐君敦甫所藏舊鈔本亦非完帙因取  
樓松書屋汪氏本摹刻并將士礼居隸釋刊誤  
一冊附焉海內博雅好古之士倘為蒐訪宋槧  
郵寄見示當復釀金別鐫以廣其傳又婁氏彥  
發漢隸字原六卷可與是書相輔而行亦將謀  
諸同志者刊布之晦木齋主人謹識



隸釋目錄

卷第一

濟陰太守孟郁脩堯廟碑

威宗永康元年水經有  
歐作堯祠祈雨趙有

帝堯碑

靈帝熹平四年  
水經有歐趙有

成陽靈臺碑

建寧五年水經有  
歐作堯母趙有

靈臺碑陰

趙有

益州太守高暎脩周公禮殿記

獻帝初平五年歐  
作文翁石柱趙有

孔廟置守廟百石孔龢碑

威宗永興元年水經有  
歐作吳雄修孔廟趙有

魯相韓勅造孔廟禮器碑

永壽二年  
水經有歐趙有



韓勅碑陰趙有

韓勅脩孔廟後碑永壽三年水經有趙有

魯相史晨祠孔廟奏銘靈帝建寧二年水經有歐趙有

史晨饗孔廟後碑水經有趙有

卷第二

西嶽華山廟碑威宗延熹八年水經有歐趙有

西嶽華山亭碑靈帝光和二年水經有歐趙有

弘農太守樊毅復華下民租碑光和二年水經有歐趙有

樊毅脩華嶽廟碑光和二年水經有歐趙有

東海廟碑熹平元年趙有

桐柏淮源廟碑威宗延熹六年水經有歐趙有

穀阮君神祠碑靈帝光和四年水經作五部神歐趙有

穀阮碑陰趙有

卷第三

老子銘威宗延熹八年水經有歐趙有

楚相孫叔敖碑延熹三年水經有歐趙有

孫叔敖碑陰趙有

仙人唐公房碑水經有歐作公昉趙有

唐公房碑陰 趙有

張公神碑 和平元年 歐趙有

三公山碑 靈帝光和四年 歐作北嶽趙有

無極山碑 光和四年 歐趙有

白石神君碑 光和六年 趙有

卷第四

蜀郡太守何君閣道碑 光武中元二年

青衣尉趙君羊竇道碑 安帝永初六年

司隸校尉楊君石門頌 威宗建和二年 歐趙有

廣漢長王君石路碑 建和二年

武都太守李翕西狹頌 靈帝建寧四年 趙有

李翕龜池五瑞碑 趙作李翕碑陰

李翕析里橋郇閣頌 建寧五年 歐趙有

桂陽太守周憬功勳銘 熹平三年 水經有 歐趙有

周憬碑陰 歐趙有

卷第五

豪長蔡湛頌 靈帝光和四年 歐趙有

溧陽長潘乾校官碑 光和四年

梁相孔眈神祠碑光和五年趙有

成陽令唐扶頌光和六年歐趙有

巴郡太守張納功德叙中平五年趙有

張納碑陰趙有

酸棗令劉熊碑水經有歐作俞鄉侯季子趙有

劉熊碑陰趙有

卷第六

謁者景君墓表安帝元初元年歐趙有

景君碑陰趙有

郟令景君闕銘元初四年歐作景君石椁銘趙有

國三老袁良碑水經作袁梁歐趙有

北海相景君碑順帝漢安二年歐趙有

敦煌長史武斑碑威宗建和元年歐趙有

從事武梁碑元嘉元年趙有

平都侯相蔣君碑永興元年趙有

孔謙碣永興二年歐趙作孔德讓

郎中鄭固碑延熹元年歐趙有

議郎元賓碑延熹二年趙有

中常侍樊安碑 延熹三年水經有歐趙有

卷第七

冀州刺史王純碑 威宗延熹四年水經作王紛趙有

山陽太守祝睦碑 延熹十年歐趙有

泰山都尉孔宙碑 延熹七年歐趙有

孔宙碑陰 歐趙有

祝睦後碑 延熹九年歐趙有

荊州刺史度尚碑 永康元年水經有趙有

車騎將軍馮緄碑 永康元年趙有

沛相楊統碑 靈帝建寧元年歐趙有

楊統碑陰 歐趙有

竹邑侯相張壽碑 建寧元年歐趙有

卷第八

衛尉衡方碑 靈帝建寧元年歐趙有

冀州從事張表碑 建寧元年歐趙有

金鄉長侯成碑 建寧二年歐趙有

孝廉柳敏碑 建寧二年趙有

淳于長夏承碑 建寧三年趙有

郎中馬江碑建寧三年趙有

慎令劉脩碑建寧四年歐趙有

博陵太守孔彪碑建寧四年趙有

孔彪碑陰趙有

卷第九

北軍中候郭仲奇碑靈帝建寧五年歐趙有

故民吳仲山碑熹平元年趙有

司隸校尉魯峻碑熹平二年水經作魯恭歐趙有

廣漢屬國候李翊碑熹平二年

玄儒先生婁壽碑熹平三年歐趙有

婁壽碑陰

繁陽令楊君碑熹平三年歐趙有

楊君碑陰歐趙有

堂邑令費鳳碑熹平六年趙有

費鳳別碑歐趙有

卷第十

太尉陳球碑靈帝光和二年水經有趙有

陳球碑陰趙有

陳球後碑 水經有歐趙有

童子逢盛碑 光和有四年

逢盛碑陰 趙有

安平相孫根碑 光和有四年

孫根碑陰 趙有

涼州刺史魏元丕碑 光和有四年

司隸從事郭究碑 中平元年

幽州刺史朱龜碑 中平二年

外黃令高彪碑 中平二年

卷第十一

太尉劉寬碑 靈帝中平二年

劉寬後碑 歐趙有

小黃門譙敏碑 中平四年

圍令趙君碑 獻帝初平元年

巴郡太守樊敏碑 建安十年

益州太守高頤碑 建安十四年

綏民校尉熊君碑 建安二十一年

梁相費汎碑 歐趙有

高陽令楊著碑 歐趙有

楊著碑陰 歐趙有

光祿勳劉曜碑 歐趙有

卷第十二

太尉楊震碑 歐趙有

楊震碑陰 歐趙有

荊州從事苑鎮碑 趙有

執金吾丞武榮碑 歐趙有

督郵斑碑 趙有

浚儀令衡立碑 歐作元節趙有

戚伯著碑 歐作周伯著趙有

趙相雍勸闕碑 趙有

先生郭輔碑 水經有歐趙有

相府小史夏堪碑 趙有

李翊夫人碑

卷第十三

雒陽令王稚子闕二 和帝无與元丰歐趙有

交阯都尉沈君神道二

益州太守高頤闕二獻帝建安十四年趙有

幽州刺史馮煥神道安帝永寧二年趙有

馮煥殘碑

馮煥碑陰

鉅鹿太守金君闕

益州太守楊宗墓道趙有

清河相張君墓道

不其令董恢闕趙有

絲竹令王君神道靈帝建寧元年趙作廣漢令

江原長進德碣威宗延熹三年

上庸長司馬孟臺神道

高直闕

處士金恭闕

金恭碑

韋氏神道

張賓公妻穿中二柱文章帝建初二年

卷第十四

石經尚書殘碑靈帝熹平四年水經有趙有



石經魯詩殘碑 水經有趙有

石經儀禮殘碑 水經有趙有

石經公羊殘碑 水經有趙有

石經論語殘碑 水經有趙有

學師宋恩等題名

卷第十五

賜豫州刺史馮煥詔 安帝元初六年

費亭侯曹騰碑陰 威宗延熹三年 水經有歐趙有

廣漢屬國辛通達李仲曾造橋碑 延熹七年

廣漢太守沈子瑒縣竹江堰碑 靈帝熹平五年

鄭子真舍宅殘碑 熹平四年

金廣延母徐氏紀產碑 光和元年

都鄉正衛彈碑 中平二年 水經作衛為趙作街彈

舜子卷義井碑 光和三

義井碑陰

卷第十六

武梁祠堂畫像 趙作武氏石室畫像

四老神坐神祚机 趙有

麒麟鳳凰碑

劉讓閣道題字 靈帝建寧元年

詔賜功臣家五字

中部碑

卷第十七

趙相劉衡碑 靈帝中平四年 趙有

富春丞張君碑 趙有

郎中郭君碑

廣漢屬國都尉丁魴碑 威宗元嘉元年

南陽太守秦頡碑 靈帝中平三年 水經有

魯相謁孔廟殘碑 趙有

平原東郡門生蘇衡等題名 歐有

益州太守無名碑 威宗永壽元年

益州太守碑陰

吉成侯州輔碑 永壽二年 水經作侯苞 趙有

州輔碑陰 趙有

卷第十八

司空宗俱碑 靈帝熹平二年 趙有

太丘長陳寔壇碑 趙有

縣三老楊信碑 威宗和平元年

益州太守城垣碑

是邦雄桀碑

仲秋下旬碑

故吏應酬殘題名

卷第十九

魏大饗碑 延康元年 水經有歐趙有

魏公卿上尊號奏 延康元年 水經有歐趙有

魏受禪表 黃初元年 水經有歐趙有

魏脩孔子廟碑 黃初元年 水經有歐趙有

魏橫海將軍呂君碑 黃初二年 趙有

范式碑 青龍三年 歐趙有

張平子碑 附趙有

卷第二十

水經注

卷第二十一

歐陽氏集古錄上

卷第二十二

集古錄下

卷第二十三

歐陽棐集古錄目

卷第二十四

趙明誠金石錄上

卷第二十五

金石錄中

卷第二十六


金石錄下

卷第二十七

天下碑錄

隸釋目錄

隸釋成書十年矣再因考古始知楊司隸名渙  
 不名厥張元益是偉伯之孫王曜非劉寬故吏  
 膠東廟門是兩碑石勛詩非費鳳碑陰校官碑  
 以菰竹為孤竹之類增改千有餘字除去者數  
 板淳熙丙申息秘宦山陰遂正之盪洲老人書



隸釋卷第一



孟郁脩堯廟碑

帝堯碑

成陽靈臺碑

并陰

高朕脩周公禮殿記

孔廟置守廟百石碑

韓勅造孔廟禮器碑

并陰

韓勅脩孔廟後碑

史晨祠孔廟奏銘

史晨饗孔廟後碑

濟陰太守孟郁脩堯廟碑

漢永康元年

缺月

字缺二

惟昔帝堯聖德慶苞弘彌赫

赫蕩蕩垂基赤精之胄為漢始別陵氣炎煜上交倉

玄魏魏之盛乾川見徵敬循宗璧長吏奉祠三牲粢  
饌獻珍于時俵著燿銘宣颺厥休乃招禎祥萬缺是  
來鴻名遂顯傳于千秋

濟陰太守河南匡師孟府君諱郁字敬達治尚書經  
博覽衆文天姿瑋瘦體性溫仁闕極道之要妙游觀  
六藝之原擲旋機之政務在濟民歷典六郡威教若  
神遺訓垂歌淵懿允純功績煥炳恩如浩倉咨招巖  
內股肱賢良廣祈多福雯雯夙興聞帝堯陵在成陽  
遣戶曹掾史具中牢祠常以甲子日與西宮樂生俱

詣大聖陳上古之禮舞先王之樂鞀磬祝圀五音

關四

字之儀莫不盡備軟列技藝以榮大聖延熹十丰仲

春二月陽氣浸陰始雩關來享祀羣神仰瞻雲漢孟

府君奉宣詔書行縣到成陽將辭帝堯行禮未周則

景雲四集翔風膏雨即時大降嘉澍優沾利茂萬物

陰陽和協百姓賴福是時關二欣然關悅諸產繁殖

倉庾充塞孟府君深惟響應效之經典知聖堯精靈

與天通神循治關墜地致藩堦石闌二坐關昭配帝

圖象規矩五關二畫上下相承無所遺共陟五旌密

有斑道之巧使府内百石闕城吳諱升字三君守衛

園陵興置屋闕詔書大祠升與縣令丞恭奉肅敬齊

絜炊熾莫不雅雅列種栢樹吏卒養護南通靈臺東

注城域委曲自巾墀然闕望圖紀萬世功驗永著時

令河南河南呂君諱亮字元山宰政宣化慈惠博覆

為藥元來福奉事大聖司司不解垂拱無為如始其

允君也丞河内州王諱長字伯盛左尉潁川潁陽闕

諱愷字世高皆關綜睢甄通洞運渡詢于上下僉然

同謀因孟府君飭沼大壑自率掾史闕二駐駕便坐

南北闕望表内相副赫如屋楮蘭然成龍孟府君必

受大聖嘉福公侯傳子孫濟陰吏士歌術功稱萬世

常存成陽丞民蒙其榮賜闕訓發聲呂君諸辟干祿

亏天令裕衍寧永汜无窮

惟序仲氏祖統所出本繼於姬周之遺苗天生仲山

甫翼佐中興宣平功遂受封於齊周道衰微共爵亡

邦後嗣乖散各相土譯居帝堯前地生長莖陵在於

成陽聖化常存慕魏魏之盛樂風俗之美遂安霞基

業屬都鄉高相里因氏仲焉以傳焉今子孫承緒履

仁好義耽樂道術教授經業雅徒帶眾滋滋汲汲誨  
 人不倦海內稱之曰鴻術之宗天臨孔明祚善應闕  
 印紼相承錕艾不絕稟性乾元世世廉約故能高如  
 不危滿如不溢孟府君繕飭墻立百石舍仲氏宗  
 家共作大壑前石礪階陛欄楯貧富相扶會計欣懽  
 不謀同辭錢應時即具招互募石燿然俱至各進琦  
 巧不日成之詔書九月三往大祠諸所造位煥然成  
 龍仲氏宗家並受福賜復刊碑勒諫昭示來世俵著  
 孟府君美勛於陽昧紀祖禪所出闕四官位宦學皆  
 不可測子子孫孫必蒙大聖休烈之福以勸後進昌  
 熾無極

右濟陰太守孟郁脩堯廟碑漢威宗永康元年立  
 記是歲春陽為沴孟府君行縣謁廟即獲膏雨以  
 聖堯靈與天通遂繕治大殿成陽令呂亮丞王長  
 率掾史佐之仲氏宗家共作殿前石礪階陛欄楯  
 九月之間詔書三祠作文者既褒揚守令丞尉治  
 効繼叙仲氏得姓業儒之美也杜欽傳云仲山父  
 異姓之臣無親於宣就封于齊鄧展晉灼云山甫




銜命往治齊城韓詩誤以為封而欽引之顏師古云韓詩既有明文未得專非杜氏此碑云山甫受封於齊周衰失爵後嗣遂居成陽蓋同韓杜之說碑云地致播瑚石闌二坐圖象規矩工巧精密以為神物之靈商君傳特牙而操闌戟闌音翕字書榆與榻同此蓋借闌為榆借播瑚為播瑚言其石之似玉也此碑假借字如旋機為璇機祝圉為祝敵之類甚多

倭為表浩倉為昊蒼柜為矩旌為精自為周藜為黎蘭為爛歌術為歌述壁為辟滋滋為孽孽屋楮為渥楮瀉為儒紉為紉燿即輝字欄楯即欄楯字禪即禰字又广之類多

从广其中乾川與穎川字相類雖家語有乾川猶天淵也然隸書未嘗有坤字此乃乾坤爾其曰無為如治高如不危者用春秋星隕如雨之法它皆類此

帝堯碑



帝堯者蓋晉世之聖王也其先出自塊隗翼火之精有神龍首出于常羊

闕九生赤

闕十也名紀見乎河

維爰嗣八九慶都與赤龍交而生伊堯及堯之生也不

闕七凡等凶

闕龍顏

闕角眉

闕八采謬自侯伯遊

於玄河之上龍龜負銜投鈴授與然後堯乃受命蜀

鹿闕十六字 秉圖書察度表御九州統屬理聞名應却五

緯順畧然後風化大洽普天闕三不闕十功成告讓

遂禪舜黃聖漢龍興續堯之緒祠以上犧暨于亡新

圮漢之業禮祠闕五祀闕是故廷尉卿闕二以爲大

聖親垂隆烈遺歌在民而壇場夷替屏懼無位非所

以表神聖闕五民者闕四爲闕三復舊典造立靈廟

以一大宰春秋秩祠是以好道之疇自遠方集或弦

琴闕三一或譚闕二歷丹田闕三痾者崑恭祈福即

獲祐若不妄愒輒赴瘡故知至德之宅北實真聖之

祖也熹平四年冬十二月濟陰太守河南張寵丞穎

川李政成陽令陳國鄭真故鉅鹿太守仲訢故廣宗

長仲選故呂長仲球闕丞闕十一字百石已氏讓禮等咸

各有惟追慕聖烈乃共立壇墀刊碑紀石已章聖德

闕後闕二有闕下

於赫大聖弈孔禎純性發蘭石生自馥芬琦表射出雙

握嘉文排啓闔闔馳步闕十二字順叙五品用訓民不佞忒

化洽百蠻歷運遭七乃禪舜焉功綿日月名勒管弦立

靈廟子

闕九休神

字闕九 釐子湘黔民億不殍子祉無沂

故濟陰太守劉邵字季承漁陽泉州人也自以體別

枝备堯之裔胄下車出奉

闕萬為祠醊弱

闕七字

至於

拜旦特復五百稱玄玄孫以叙嘉敬舊祠屬縣君以

為奉事神聖禮虔當

闕

宜崇祀濯以汁

闕二字

勅縣

闕

二設供曹掾史令養牲犧即堯陵廟神亨靈洞款已

嘉瑞李樹連理生於堯

闕

圖

闕府殿夙早

闕

拜遷

闕

中大夫後太守河南張寵鑿擬前緒到官始初出錢

二千敬致禮祠臨立壇碑特復

闕四字

羣

闕二字

為

闕始

闕六字

學徒莫不勸樂咸曰張父敦我已德厲我已仁

將獲禎應齊風前人鸞皇

闕十八字

解將悉臻兵密勿匪

休將悉至矣熹平四年十二月十日癸卯立時將佗

吏胡能守堯掾仇伯爰

闕十四字

掾成

闕四字

余

右帝堯碑篆額靈帝熹平四年立帝王世紀曰炎

帝一曰魁隗氏此云塊隗者猶包犧之為伏羲也

春秋緯曰慶都出觀三河有赤龍負圖下有人衣

赤面八采兌上豐下足履翼星奄然風雨龍與慶

都合而有娠既乳視堯如圖表茲所謂翼火之精

也炎帝傳八世故曰爰嗣八九堯在位七十載故  
 曰歷運遭七祭邕集有王子喬碑凡六十字與此  
 同其間云或弦琴以歌太一或譚思以歷丹田其  
 有疾病疋療者靜躬祈福即獲其祚正此碑之闕  
 文也漢刻載脩廟及表墓人所費有出錢百者張  
 寵到郡以二千祠堯此遂夸而書之可見漢代錢  
 重如此今物價翔踊錢日益少非有術以權之使  
 子母重輕略能做古則不足之患未易抹也碑以  
 采懼為攝弁為亦汁為叶闔為  
 閭沂為垠希即布字繼即繼字

成陽靈臺碑

惟帝堯母昔者慶都北舍穹精氏姓曰伊體蘭石之  
 操履規矩之度則乾川之象通三光之曜游觀河濱  
 感赤龍交始生堯厥後堯來祖統慶都告以河龍堯  
 歷三河有龍授圖躬行聖政以育苗萌火陽之盛先  
 閭後明遂以侯伯遠踐帝宮慶都僊歿蓋堊于茲欲  
 人莫知名曰靈臺上立黃屋堯所奉祠下營以水神  
 龍所熹靈龜隱刑汾踊波深比目魴魚濯鱗通泉玄  
 礫菟盧生造臺涯貫長歷久崇如闕二  
 字三代改易荒

廢不循五運精還漢受濡期興戚繼絕如堯為之承  
 祠基丰鮪魚復生故有靈臺耒夫魚師衛仕驛憲鮪  
 魚服之造壽闕二之際道小衰沮遂遭亡新禮祠絕  
 矣於是故廷尉仲定深惟大漢隆盛德彼四表大平  
 未至靈瑞未下四夷數侵軍甲數擾匪皇啓居日禊  
 不夏案經考典河洛祕奠漢感赤龍堯之苗胄當循  
 堯祠追遠復舊復沿治黃屋推原聖意灾生變見天  
 以譴告前後奏上陳叙大義招祥塞咎為漢來祀朝  
 廷克省帝納其謀歲以春秋奉大牢祠時廷尉選位

連自表奏詔英嘉命遂見聽闕二為大中大夫歸沿

黃鑿令月吉日圖立規罔興業會工廠慶夷平上合

天意下應闕五飭五色華精上闕通天戶嚮少陽前

設大鑿俟神之堂地致石墀其下清涼可舞几闕以

闕大章時濟陰太守魏郡審晃成陽令博陵管遵各

遣大掾輔助仲君經之營之不日成之神靈精氣依

怙於人廢之則亡存之則神復帥羣宗貧富相均共

慕市碑著立功訓闕勒石銘中門之表卜擇元日齊

革精誠先慶毛血謹慎犧牲祈祠獲福神享其靈甘

兩時降百穀孰成幽荒率服涂方來庭萬國蒙祉稔  
元賴榮莫不被德咸歌頌聲其辭曰

於赫慶都德彊大兮承神精耀統赤裔兮爰生聖堯

名蓋世兮上受符命迹帝制兮廣彼之恩深荒外兮

厯紀盈字盈干垂遺愛兮陵廟復崇享大祭兮上來多

怙降福沛兮萬國禧寧孰不賴兮光宣美勛闕幣

兮垂視罔極億萬歲兮

濟陰太守魏郡陰安審君諱晃字元讓從公車令來

成陽令博陵蠡吾管君諱遵字君臺從東明門司馬

來丞潁川新汲尹茂字伯舉遷下邳尉尉潁川襄城

楊調字君舉仲訢伯海從右中郎將遷鉅鹿太守仲

球伯儀從大尉掾遷呂長仲選孟高辟司徒府遷從

不絕皆興沿大聖黃屋之力

建寧五年五月造

右成陽靈臺碑篆額靈帝建寧五年立與堯廟二

碑在成陽皆有陰堯葬慶都于成陽名曰靈臺上

立黃屋為奉祠之所漢綴其祀至亡新而繼於是

廷尉仲定奏請興治郡守審晃縣令管遵各遣大

掾助成之案兩漢地志濟陰成陽有堯冢靈臺不  
 明言靈臺為堯母冢也章帝紀元和二年使使者  
 祠唐堯於成陽靈臺注引郭緣生述征記曰成陽  
 有堯陵陵南一里有堯母慶都陵稱曰靈臺据此  
 則與碑合靈臺非堯冢明矣淮南子墜形訓載海  
 外三十六國西北方有無繼民碓魚在其南注云  
 碓魚如鯉魚有神靈者乘行九野碓讀如蚌字書  
 蚌或作鮮碓無鮓字也所謂鮓魚疑即此爾碑稱  
 漢代脩祠之後鮓魚復生故有靈臺畫夫魚師衛

仕驛憲鮓魚服之延壽疑仕當讀為士憲當讀為

獻也碑以不夏為不暇刑為形滅為滅基為替犁為黎德被廣被為彼迹即恢字造即迺字慶

即薦字

靈臺碑陰

司徒掾仲選孟高出錢二千鉅鹿太守仲訢伯海出  
 錢萬呂長仲球伯儀出錢三萬七千五官掾仲著尉  
 孟出錢二千從事仲謨升高出錢二千智邳仲熊伯  
 敬出錢二千智邳仲豐伯遠出錢二千主吏仲浮尉  
 輔出錢二千主吏仲均季遠出錢二千主吏仲關伯

豪出錢二千主吏仲眈伯通出錢二千主吏仲遐季  
 甫出錢二千主吏仲曇仲賀出錢二千主吏仲蓋升  
 高出錢二千主吏仲福尉惠出錢二千主吏仲熒子  
 臺出錢二千主吏仲壽宣德出錢二千主吏仲率仲  
 進出錢二千主吏仲璜景鸞出錢二千督部仲邵子  
 周出錢二千主吏仲調子蹇出錢二千主吏仲客生  
 出錢二千主吏仲阿東出錢二千主吏仲阿先出錢  
 二千主吏仲子林出錢二千主吏仲阿先出錢二千  
 督部外孫閻止柳景信出錢四千義民陳彦出錢二  
 千

右仲氏門宗前所會計沿黃屋出錢名

司徒掾仲選孟高出錢千四百鉅鹿太守仲訢伯海  
 錢千四百呂長仲球伯儀出錢三千二百從事仲謨  
 升高出錢千四百督部仲熊伯敬出錢千四百督部  
 仲斐升臺出錢千四百主吏仲福尉惠出錢千四百  
 主吏仲璜景鸞出錢五百主吏仲調子蹇出錢千四  
 百督部仲邵子周出錢千四百主吏仲熒客生出錢  
 千四百主吏仲東阿東出錢千四百主吏仲阿同出



錢四百義民陳彥弟富富弟贖出錢千

惟仲阿東幸在元冠券有中質遵柜跣規上仁好義

見羣從無者代出錢萬以立碑大意翻然君子善之

恩加骨闕鄉朝所稱縣令管君即請署門下議生都

市掾官未可測矣

主吏仲葵字姁武出錢五百

右仲氏宗門所會計立作石碑誦出錢名

守皇屋畜夫仲民主

仇福字仲淵累世同居州里稱術慈孝大聖立祠時

令管君欲造皇屋暨廡來紫忠良咸白福閭葵溢闕

字闕離周理字文機闕五嚴萌將作福更縣掾功曹

府諸曹史守尉闕下

右靈臺碑陰治黃屋者二十八人作碑者十五人

凡諸仲三十一人異姓者四人其間稱羨仲阿東

代群從出錢數十言其末又載工師仇福事亦數

十言碑以皇屋為黃屋遵柜跣規為遵

益州太守高暎脩周公禮殿記

漢初平五年倉龍甲戌旻天季月循舊築周公禮殿

始自文翁應期鑿度開建畔宮立堂布觀廟門相鉤  
 閱司幃延公辟相承至丐甲午故府棟潼文君增造  
 吏寺二百餘間四百年之際變異逢蠡啓旋機離常壬  
 衡共統強桀并無人裹僥卒戰兵雷合民散共命烈  
 火飛災一都之舍官民寺室同日一朝合為灰炭獨  
 笛文翁石廟門之兩觀禮樂崩坦風俗混亂誦讀已  
 絕倚席離散夫禮興則民壽樂興則國化郡將陳笛  
 高君節符興境這斯十有三載會直復亂西憲匡救  
 濟民塗炭閱斯正靈闕三冠學者表儀闕四大小推

誠興復第館八音克諧鬼方來觀為後昌基闕神不

右益州太守高朕脩周公禮殿記今在成都獻帝

初平五年正月朔已改元興平矣此碑書九月事

尚用初平者天下方亂道路擁隔置郵到蜀稽晚

也碑云始自文翁開建畔宮者西都蜀郡守也又

去至于甲午故府梓潼文君增造吏寺者建武中

益州太守文參也又云烈火飛災一朝灰炭者華

陽國志去安帝永初時講堂火災獨存石室也又

云郡將陳留高君者高朕也諸書多有誤以朕為

朕者朕再作石室在文翁石室之東又東即周公禮殿規模古質井斗異制柱皆削方上狹下廣此記刻于東南之一柱亦木爾歐陽氏以為文翁石柱記者誤也自興平甲戌至于乾道丁亥千有三年殿宇巋然如故由唐顯慶以來以孔子為先聖今禮殿無周公像矣政和中郡守席貢有請詔封文翁為廬江伯高朕為陳留伯在從祀之列云此碑以旋機為璇機以擾為擾以蠶啓為蜂起幘恐作蔓王衡即玉衡

孔廟置守廟百石孔龢碑

司徒臣雄司空臣戎稽首言魯前相瑛書言詔書崇

聖道勉

闕

甄孔子作春秋制孝經

闕二字

五經演易繫

辭經緯天地幽讚神明故特立廟褒成侯四時來祠

事已即去廟有禮器無常人掌領請置百石卒史一

人典主守廟春秋饗禮財出王家錢給大酒直須報

謹問大常祠曹掾馮牟史郭玄辭對故事辟靡禮未

行祠先聖師侍祠者孔子子孫大宰大祝令各一人

皆備爵大常丞臨祠河南尹給牛羊豕雞闕二字各一

大司農給米祠臣愚以為如瑛言孔子大聖則象乾

以為漢制佗先世所尊祠用衆牲長吏備

闕二欲加

寵子孫敬恭明祀傳于罔極可許臣請魯相為孔子

廟置百石卒史一人掌領禮器出王家錢給大酒直

他如故事臣雄臣武愚慙誠惶誠恐頓首頓首死罪

死罪臣稽首以聞

制曰可制字高出一字司徒公題名在此

行之下司空公在雒陽宮之下

元嘉三年三月廿七日壬寅奏雒陽宮

字壬寅

司徒公河南原武吳闕字季高

司空公蜀郡成都趙式字意伯

元嘉三年三月丙子朔廿十日壬寅司徒雄司空武

下魯相承書從事下當用者選其年卅以上經通一

藝雜試通利能奉弘先聖之禮為宗所歸者如詔書

書到言

永興元年六月甲辰朔十八日辛酉魯相平行長史

事下守長擅叩頭死罪敢言之

司徒司空府王寅詔書為孔子廟置百石卒史一人

掌主禮器選年卅以上經通一藝雜試能奉弘先聖

之禮為宗所歸者平叩頭叩頭死罪死罪謹案文書

守文學掾魯孔龢師孔憲戶曹史孔覽等雜試龢脩  
 春秋嚴氏經通高第事親至孝能奉先聖之禮為宗  
 所歸除龢補名狀如牒平惶恐叩頭死罪死罪上  
 司空府

讚曰魏魏大聖赫赫彌章相乙瑛字少卿平原高唐  
 人令鮑疊字文公上黨屯留人政敦稽古若重規闕  
 乙君察舉守宅除吏孔子十九世孫麟廉請置百石  
 卒史一人鮑君造作百石吏舍功垂无窮於是始闕  
 右孔廟置守廟百石卒史孔龢碑無額在兗州仙

源縣威宗永興元年立嘉祐中郡守張稚圭按圖  
 經云鍾繇書碑載孔子十九世孫麟廉請置百石  
 卒史一人掌廟中禮器魯相乙瑛書言之於朝司  
 徒吳雄司空趙戒奏於上詔魯相選年四十以上  
 通一經者為之時瑛已滿秩去後相平復以其事  
 上于朝予家所藏石刻可以見漢代文書之式者  
 有史晨祠孔廟碑樊毅復華租碑太常耽無極山  
 碑與此而四此一碑之中凡有三式三公奏于天  
 子一也朝廷下郡國二也郡國上朝廷三也按孔

僖傳云永元四年襄成侯損徙封襄亭侯子孫相  
 傳迄于漢末襲襄亭之封者二人此碑與史晨碑  
 皆在永元之後仍稱襄成又安帝紀延光三年賜  
 襄成侯帛韓勅碑陰有襄成侯建壽即損也疑損  
 未嘗徙封傳之誤爾鍾繇以魏太和四年卒去永  
 興蓋七十八年圖經所云非也

豕即豕字  
 赫即赫字

魯相韓勅造孔廟禮器碑

惟永壽二丰青龍左沼歎霜月之靈皇極之日魯相  
 河南京韓君追惟大古華胥生皇雄顏闕育闕寶俱

制元道百王不改孔子近聖為漢定道自天王以下

至于初學莫不駘思嘆印師鏡顏氏聖明家居魯親

里并官聖妃在安樂里聖族之親禮所宜異復顏氏

并官氏邑中繇發以尊孔心念聖歷世禮樂陵遲秦

項佗亂宋尊圖書倍道畔德離敗聖輿食糧亡于沙

北君於是造立禮器樂之音符鍾磬瑟鼓雷洗觴觚

爵鹿祖桓遵杞禁嘉脩飾宅廟更位二輿朝車威熹

宣杼玄汙以注水深法舊不煩備而不奢上合紫臺

稽之中和下合聖制事得禮儀於是四方士士仁間

君風燿敬咏其德尊琦大人之意連彊之思乃共立  
表石紀傳億載其文曰

皇哉統華肯承天畫卦顏育空樂孔制元孝俱祖紫  
宮大一所授前閭九頭以什言敷後制百王獲麟來  
吐制不空位承天之語乾元以來三九之載八皇三  
代至孔乃備聖人不世期五百載三陽吐圖二陰出  
識制位之義以俟知稟於穆韓君獨見天意復聖二  
族連越絕思循造禮樂胡輦器用存古舊宇愍懃宅  
廟朝車威燾出誠造闕涑不水解工不昂賈深除玄

汙水通

闕

注禮器升堂天雨降澍百姓訢和舉國蒙

慶神靈祐誠竭敬之報天與厥福永享年壽上極華  
紫旁伎皇代刊石表銘與乾運燿長期蕩蕩於盛復  
授赫赫罔窮聲垂億載

韓明府名勅字村節潁川長社王玄君真二百河東  
大陽西門儉元節二百故涿郡大守魯庶次公五千  
故會稽大守魯傳世起千故樂安相魯庶季公千故  
從事魯張嵩眇高五百相主薄魯薛陶元方三百相  
史魯周乾伯德三百

右魯相韓勅造孔廟禮器碑無額威宗永壽二年立其文雜用識緯不可盡通呂氏春秋云有佻氏女探得嬰兒于空桑是為伊尹蓋託之神物與履拇吞舄同或曰空桑地名也此云聖母顏氏育於空桑不經之甚沿歎者以歎為灘也聖妃者以妃為配也雷洗觴觚爵鹿相桓邊柅禁壺者以雷為壘以相為俎也古爵三足而兩柱前若嚼後若尾有爵之象趙曰青州近獲一器全為鹿形此所謂鹿豈非肖其形因以名之乎說文木豆謂之桓桓

音凡木名也皮可為索禮器曰大夫士於禁注云禁如今之方案儀禮鄉飲酒禮戶間斯禁設篚于禁南注禁切地無足者壺與上下文符觚與汙協韻當是壺字也胡輦者瑚璉也碑以伎為暨驢音驥邊即邊字涑即漆字

韓勅碑陰

曲成侯王嵩二百河南成畢蘇漢明二百其人處士河南雒陽种亮奉高五百故宛州從事任城呂育季華三千故下邳令東平陸王裒文博千故潁陽令文



陽鮑宮元威千河南雒陽李申伯百趙國邯鄲宋瑱  
元世二百彭城廣儀姜尋子長二百平原樂陵朱恭  
敬公二百平原濕陰馬瑤元翼二百彭城龔治世平  
二百泰山鮑丹漢公二百京北劉安初二百下邳周  
宣光二百河間東州齊伯宣二百陳國苦虞崇伯宗  
二百潁川長社王季孟三百汝南宋公國陳漢方二  
百山陽南平陽陳漢甫二百任城番君舉二百任城  
王子松二百任城謝伯威二百任城高伯世二百相  
主薄薛曹訪濟興三百相中賊史薛虞韶興公二百

薛弓奉高二百相史卞呂松闕遠百騶韋仲卿二百

處士魯劉靜子著千故從事魯王陵少初二百故督  
邾魯开輝景高二百魯曹悝初孫二百魯劉元達二  
百故督邾魯趙輝產臺二百郎中魯孔宙季將千御  
史魯孔翊元世千大尉掾魯孔凱仲弟千魯孔曜仲  
睢二百處士魯孔方廣率千魯孔巡伯男二百魯孔  
憲仲則百尚書侍郎魯孔憲元上三千魯孔汎漢光  
二百守廟百石魯孔恢聖文千衰成侯魯孔建壽千  
故從事魯孔樹君德千魯孔朝升高二百行義掾魯

弓如紂都二百魯劉仲俊二百魯夏侯廬頭二百魯  
 孔儀甫二百文陽蔣元道二百文陽王逸文豫二百  
 魯石子重二百北海劉袁隆展世百魯周房伯臺百  
 遺西陽樂張普仲堅二百故薛令河內溫朱熊伯珍  
 五百故豫州從事蕃加進子高千南陽宛張光仲孝  
 二百河南雒陽王敬子慎二百

右韓勅碑陰六十有二人不稱字者一人不稱名  
 者二十一人漢人題名必書名字否則各有說也  
 楊震碑陰孫定博諸人不名者非其門生也逢盛

碑陰崔孟祖數人不名者乃其父黨也題名於韓  
 勅碑左凡八人魯之二庶一傳不名者別守相之  
 尊也張納碑陰主簿白文已下不稱字者示其卑  
 於從事季元也史晨後碑五官掾孔暢六人不稱  
 字者亦示其卑於長史李謙孔僖傳云永元四年  
 徙封孔損為衰亭侯損卒子曜嗣曜卒子完嗣此  
 碑有孔曜仲雅則永壽時曜尚未襲封所謂衰成  
 侯建壽當是孔損之字傳作衰亭其說在孔龢碑自永元四年  
 至永壽二年亦六十五年矣題名中孔族凡十四

人有譜可考者曜及郎中宙御史翊侍郎彪皆孔子十九世孫也建壽爵齒俱尊而在子姓之間宜其不名餘人雖不見爵秩當亦是一時耆老獨曲成侯王曷一人不稱字豈爵雖襲而年尚穉者乎蘇漢明者已鐫而續書故以其人處士識于下張普朱熊五人書體不同蓋後人所增者

韓勅脩孔廟後碑

皇漢帝元永壽三年青龍建酉孟秋之旬升布天德帝拜大臣曾曾玄玄魯相河南京韓君追惟

孔聖素王受象乾以生巧周衝匡政天文德叅耀闕

佗應星神稽易制孝升出大人徵符洞虛論要道根

赤書黃字蜚于倉天北落復下大帝闔門龍闕三精

歷星官雷動玄紫殼隱闕震春秋既成效以獲麟功

定道立封禪闕三玄闕二魯天地窮冥精皇炳辟河

維摘靈散六制二百生師經元德浸潭孝道滋榮為

漢制佗萬世闕功志誦受命以授煌煌帝闕二載天

意流通弟闕四生徒三年素王以下至巧地生聞名

傾瓦視若見形天挺三五三九之闕德闕二子疫終

獲麟天為移柩曰闕七賢俊以傳君以順顯臣以無

紂韓君於氏憤愴之思惟古之嘆念闕為世寶

具受符相魯敷舒闕十謁廟拜墓感有曾玄脩飭舊

宅俟神廟堂自闕塘域庫室中詔立先王禮樂器闕

字二輿朝車威素歷日久長承法而制以遵古常崇

聖惟坐慶席十重改畫聖象如古闕十五字章規柩玄

汙唯深且方宅廟悉脩敬滌藥房闕五五字道路闕二闕

周衛行闕十五字恭肅春秋丞嘗欣樂之情和見於顏惟

墓以闕三歷秦闕高闕業文闕十二字君於闕五龍闕二

玄禮有制疫國疑少磚壇法不即闕五磚闕二造石

壇闕十六字遣上公名卿奉表宰祠來闕四字位大開闕二

方闕二字之用闕二韓君闕九字政以弘闕二字四方土梁

異人同心共術韓君德政闕八字鈐約闕四字曰其安闕九

字以臨東海功闕伊望泚歌欽烈蘭芳青雲目闕二字

郡闕十字勅民闕魯之曰闕二字盛隆恩及孤弱惠闕

窮民共闕魯飢寒得充業以土屋闕小懼康存舊闕

德夫闕所行闕四字足用梁英徐闕楊闕望者成行願

彼豫闕獨專景闕且立表石勒銘之功君輔漢室聖

帝闕躬子子孫孫封

字闕三

石表基垂名八皇

府君諱勅字叔節

即闕二

字仲則弟

闕字子臺東

海闕

敬謙字季松河東臨汾人

字闕四

字子睢漢中南

鄭人長史李亮字威明河南人故少府卿任城樊府

君諱豹字伯尹丞駱景字子雲河南滎陽人道人穎

川長

字闕三

君直五百左尉趙福字

字闕二

北海剡人右

尉

字闕三

子興九江浚道人

右韓勅脩孔廟後碑威宗永壽三年立其間云脩

飭舊宅改畫聖象立禮樂器車輿薦席墻室壇井

皆脩廟事也其云謁廟拜墓謂孔墓也又云異人

同心共述德政即題名中道人穎川君直也樊豹

書法獨與眾異當是魯之前相也

碑以於氏為於是室為室即為

廊術為述勅為黎齒即圖字慶即薦字

魯相史晨祠孔廟奏銘

建寧二年三月癸卯朔七日巳酉魯相臣晨長史臣

謙頓首死罪上

尚書臣晨頓首頓首死罪臣蒙厚恩受任符守

得在奎婁周孔舊寓不能闡弘德政恢崇壹變夙夜

憂悒累息屏營臣晨頓首頓首死罪臣以建寧  
元年到官行秋饗飲酒畔宮畢復禮孔子宅拜謁神  
聖仰瞻椽桷俯視几筵靈所馮依肅肅猶存而無公  
出酒脯之祠臣即自以奉錢脩上案食設具以叙小  
節不敢空謁臣伏念孔子乾以所挺西狩獲麟為漢  
制作故孝經援神契曰立制命帝卯行又尚書考  
靈耀曰立生倉際觸期稽度為赤制故作春秋以明  
文命綴紀撰書脩定禮義臣以為素王稽古德亞皇  
代雖有衰成世享之封四時來祭畢即歸國臣伏見

臨辟雍日祠孔子以大宰長吏備爵所以尊先師重  
教化也夫封土為社立稷而祀皆為百姓興利除害  
以祈豐穰月令祀百辟卿士字士有益於民矧乃孔子  
立德煥炳光于上下而本國舊居復禮之日闕而不  
祀誠

朝廷聖恩所宜特加臣寢息耿耿情所思惟臣輒依  
社稷出王家穀春秋行禮以共煙祀餘闕賜先生執  
事臣晨頓首頓首死罪臣盡力思惟庶政報稱  
為效增異輒上臣晨誠惶誠闕頓首頓首死罪

上

尚書

時副言大傅大尉司徒司空大司農府

治所部從事

昔在仲尼汁光之精大帝所挺頗母毓靈承敝遭衰

黑不代倉關汭應聘嘆鳳不臻自衛反魯養徒三千

獲麟趣作端門見徵血書著紀黃玉諤應主為漢制

道審可行乃佗春秋復演孝經刪定六藝象與天談

鈞河擿雒却揆未然魏魏蕩蕩與乾比崇

右魯相史晨祀孔廟奏銘靈帝建寧二年立按永

興元年孔龢碑載吳雄奏用辟雍禮春秋饗孔廟

出王家錢給大酒直距此纔十有七年史晨復云

到官秋饗無公出酒脯之祠至於自用奉錢乞依

社稷出王家穀以共煙祀此蓋有司崇奉不虔旋

踵廢格也孔龢碑中吳雄奏章則云奏雒陽宮此

亦奏牘乃云止尚書者郡國異於朝廷不敢直達

帝所因尚書以聞也樊毅復華下民祖奏其式與

此同漢末專尚識緯乃以鈞河擿雒而頌尼父鄙

哉碑以倉為蒼煙為裡汁為叶悒即怖字挈即契字諤古響字

史晨饗孔廟後碑

相河南史君諱晨字伯時從越騎校尉拜建寧元年  
四月十一日戊子到官乃以今日拜闕孔子聖見闕  
觀式路虔跽既至升堂屏氣拜手袒肅肩僂髻歸若  
左依依舊宅神之所安春秋復禮稽度玄靈而無公  
出享獻之慶欽因春饗導物嘉會述脩璧廡社稷品  
制即上尚書察以符驗乃敢承祀餘肫賦賜刊石勒  
銘并列本奏大漢延期彌歷億萬

時長史廬江舒李謙敬讓五官掾魯孔暘功曹史孔

淮戶曹掾薛東門榮史文陽馬琮守廟百石孔讚副  
掾孔綱故尚書孔立元世河東大守孔雋元上處士  
孔褒文禮皆會廟堂國縣負尤吏無大小空府竭寺  
咸俾來觀并畔宮文學先生執事諸弟子合九百七  
人睢歌吹笙考之六律八音克諧蕩邪反正奉爵稱  
壽相樂終日於穆肅雍上下蒙福長享利貞與天無  
極

史君饗後部史仇誦縣吏劉眈等補宗里中道之周  
左廡垣壞決佗屋塗色脩通大溝西泝里外南注城




池恐縣吏斂民侵擾百姓自以城池道濡麥給令還  
所斂民錢林

史君念孔瀆顏母井去市道遠百姓酤買不能得香  
酒美肉於昌平亭下立會市曰彼左右咸所願樂  
又勅瀆井復民饒治桐車馬於瀆上東行道表南北  
各種一行梓


做夫子冢顏母井舍及魯公冢守吏凡四人月與佐  
除

右史晨饗孔廟後碑前碑載奏請之章此碑叙饗  
禮之盛其補墻垣治瀆井種梓守冢皆在饗廟之  
後字畫亦大小不等蓋史君孔林中事不一書也

碑以文陽為汝陽濡為濡葭即薦字宄  
即冗字厖即墻字壞即壞字肉即肉字



隸釋卷第一



隸釋卷第二

西嶽華山廟碑

西嶽華山亭碑

樊毅復華下民租碑

樊毅脩華嶽碑

東海廟碑

桐柏淮源廟碑

穀阮君神祠碑并陰

西嶽華山廟碑

周禮職方氏河南山鎮曰崑謂之西嶽春秋傳曰山嶽則配天乾以定位山澤通氣雲行雨施既成萬物易之義也祀典曰日月星辰所昭印也地理山川所

生殖也功加於民祀以報之禮記曰天子祭天地及山川歲徧焉自三五迭興其奉山川或在天子或在諸侯是以唐虞疇咨四嶽五歲壹巡狩皆以四時之中月各省其方親至其山柴祭燔燎夏商則未聞所損益周鑒於二代十有二歲王巡狩殷國亦有事于方嶽祀以圭璧樂奏六歌高祖初興改秦淫祀大宗承循各詔有司其山川在諸侯者以時祠之孝武皇帝脩封禪之禮思登遐之道巡省五嶽裡祀豐備故立宮其下宮曰集靈宮壁曰存僊墜門曰望僊門仲

宗之世重使使者持節祀焉歲一禱而三祠後不承前至于亡新寢用公虛託今垣趾營地猶存建武之元事舉其中禮從其省但使二千石以歲時往祠其有風旱禱請祈求靡不報應自是以來百有餘年有事西巡輒過亨祭然其所立碑石刻紀時事文字摩滅莫能存識延熹四年七月甲子弘農太守安國亭侯汝南袁逢掌華嶽之主位應古制脩廢起頓閱其若茲深達和民事神之義精通誠至禘祭之福乃案經傳所載原本所由銘勒斯石垂之于後其辭曰

巖巖西嶽峻極穹蒼奄有河朔遂荒華陽觸石興雲  
雨我農桑資糧品物亦相瑤光崇冠二州古曰雖梁  
馮于幽岵文武克昌天子展義巡狩省方玉帛之贄  
禮與佻卉六樂之變舞以致康在漢中葉建設宇堂  
山嶽之守是秩是望侯惟安國兼命斯章尊脩靈基  
肅共壇場明德惟馨神歆其芳遏穰凶札犁斂吉祥  
歲其有年民說無疆

袁府君肅恭明神易碑飾闕會遷京兆尹孫府君到  
欽若嘉業遵而成之延熹八年四月廿九日甲子就

袁府君諱逢字周陽汝南女陽人孫府君諱璿字山  
陵安平信都人時令朱頡字宣得甘陵郟人丞張舅  
字少游河南京人左尉唐佑字君惠河南密人主者  
掾華陰王萇字德長

京兆尹勅臨都水掾霸陵杜遷市石遣書佐新豐郭  
香察書刺者潁川邯鄲公脩蘇張工闕君闕

右西嶽華山廟碑篆額在華州華陰縣威宗延熹  
四年袁逢守洪農郡以華嶽舊碑文字摩滅遂案  
經傳載原本勒斯石以垂後會遷京尹乃勅都水

掾杜遷市石遣書佐郭香察書碑成於後之四年  
 蓋孫璆典郡時也逢者司徒安之曾孫太尉湯之  
 次子嘗為司空而卒史不載其歷洪農京兆乃闕  
 文也東漢循王莽之禁人無二名郭香察書者察  
 泣它人之書爾小歐陽以為郭香察所書非也碑  
 云四時中月省方柴祭不讀中為仲其義亦通至  
 以宣帝為仲宗則是借仲為中說者謂漢世字少  
 故多假借或曰漢人簡質字相近者輒用之予以  
 為不然亦好奇之過爾以帝者廟號而借以它字

不恭孰甚焉

碑云昭邛禮記作瞻仰方即亢字易  
 即昉字香即香字邛即邛字又以廢

為廢女陽  
 為汝陽

西嶽華山亭碑

惟光和元年歲在戊午名曰咸池季冬己巳弘農大  
 守河南河南樊君諱毅字仲德下車之初恭肅神祀  
 西嶽至尊詔書奉祠躬親自往省送簡謙即事有漸  
 散齋華亭齋室逼字窄字郡縣官屬灑齋輶處尊卑錯  
 紛精誠不固畏天之威逢斯殫怒時雨不興曰字甘澍  
 弗希念存黔首懼闕曠繁於是與令巴郡胸忍先謹

公謀圖議繕故斷度擇廓立室異處左右趣之莫不  
競慕二年正月己卯興就既成有片亢休嘉啟禧各  
得竭情福祿是顧刻茲碑號吏卒俠路其辭曰

巖巖西嶽五鎮次宗緒德之尊大率優隆皇帝永思  
祀典孔明高神百宴珪璧贊通赫赫在上以畜萬邦  
惟嶽降神寔生羣公卿士百辟績業彼蒙帝命不違  
歲事報功后辟命卿散齋外亭敬恭明祀以奉皇靈  
處所逼窄肩罕有聲神樂其靜翛翬羣形尊卑有序  
繫心致誠因繕舊室整頓端平在其板屋孰不加精

天人同道萬祀是迎既受帝祉延考後生為龍為光  
顯人王庭為公為侯福禴來成刻石紀號永亨利貞  
府丞勃海劉固村長功曹史楊儒冝先主簿湖楊旭  
伯馮供曹掾楊基伯載史陝許礼文化縣丞隴西彭  
和伯怡左尉隴西甄璠村冝臨興者門下掾駱瑗伯  
先主記史柏覽文進戶曹掾魏嘗威長史田瞻文祖  
將佐掾曹鑿孔明任就功成史吳武丙昌

右西嶽華山亭碑篆額碑云光和元年歲在戊午  
名曰咸池案淮南子論天之四宮曰咸池者水魚

之園天官書云西宮咸池曰天五潢奎婁胃昂畢  
 觜參居之敦牂歲歲星以五月與胃昂畢晨出東  
 方名曰天津蓋三宿在西宮之中而歲星以午年  
 舍其分故以咸池為名所云天津者亦取五潢之  
 意淮南又以斗杓為小歲咸池為太歲而謂其每  
 歲自卯逆行四仲即陰陽家所推以忌乘航者是  
 也許祭酒注云咸池星名水魚天神蓋經星隨璇  
 機之運不可離其次者周流四仲當是其神爾故  
 晉志又云咸池魚園也

碑以俠為夾帑即布字繁  
 即素字設即啓字冑即肯

字曼即  
 曼字

樊毅復華下民租田口筭碑

光和二年十二月庚午朔十三日王丰弘農大守臣  
 毅頓首死罪上

尚書臣毅頓首頓首死罪死罪謹案文書臣以去元  
 年十一月到官其十二月奉祠西嶽華山省視廟舍  
 及齋衣祭器率皆久遠有垢故魯不脩大室春秋作  
 譏臣以神嶽至尊宜加恭肅輒遣行事荀斑與率陰  
 令先謹以漸繕治成就之後仍雨甘霽澆潤宿麥惠

滋菽庶臣即日以詔書齋祠雪未消澤時日清和神歡民喜誠

聖朝勞神日昊廣被四表覆毓之德神人被施遐邇大小莫不牽甚臣毅頓首頓首死罪死罪謹又書言縣當孔道加奉尊嶽一歲四祠養牲百日常當充肥用穀稟三千餘斛或有請雨齋禱役費兼倍每被詔書調發無差山高聽下恐近廟小民不堪役賦有飢寒之窘違宗神之敬乞差諸賦復率下十里以內民租田口美以寵神靈廣祈多福隆中興之祐臣輒聽行盡力奉宣詔書思惟惠利增異復上臣毅誠惶誠

恐頓首頓首死罪死罪上

尚書

掾臣徐屬臣淮書佐臣謀

弘農大守上祠西嶽乞縣賦發差復率下十里以內民租田口美狀

右樊毅乞復華下民租田口筭狀此碑全載光和二  
年十二月壬午奏牘別無它詞蓋毅到郡即遣官屬繕治廟宇縣令以地當孔道一歲四祠有養



牲之費調發之勞故為華下十里之內希句恩卹  
 雖不同孔廟卒史碑併載朝廷施行語案後碑云  
 上奏復賦克厭帝心則知已從其請矣碑後有唐  
 興元中縣令盧倣題字云碑在廟北隙地沒于荒  
 榛時方徙之縣治云

此碑勅為黎澱為漸前漢志注云三輔黃圖漸臺亦作澱

樊毅脩華嶽碑

山經曰泰華之山削成四方其高五千仞廣十里周  
 禮識方氏華謂之西嶽祭視三公者以能興雲雨產  
 萬物通精氣有益於人則祀之故帝舜受堯歷數親

自巡省設五鼎之奠柴燎壇埋致敬神祇艾用昭明  
 百穀繁殖犁民時雖鳥獸率儻鳳皇來儀暨夏殷周  
 未之有改也其德休明則有禎祥荒淫臊澁薦災必  
 降秦違其典僻遺鄣池二丑以亡

漢祖應運禮遵陶唐祭則獲福亦丑克昌亡新滔淫  
 鬼神不亨建武之初彗掃頑凶更率舊章設用玄牡  
 牲牲必充天惟醇祐萬國以康光和二年有漢元明  
 五侯之胄謝陽之孫白樊府君諱毅字仲德承考讓  
 國家于河南究職州郡辟公府除防東長中都令誅

強黜撫瘠民二鄙以清命守斯邦威隆秋霜思踰冬  
日景化既宣由復夕惕惟寵祿之報順民之則孟冬  
十月齋祠西嶽以傳罔狹不足處尊卑廟舍舊久牆  
屋傾亞垂室不脩春秋佗譏特部行事荀斑與縣令  
先謹以漸補治設中外館圖珍琦畫恠獸嶽瀆之精  
所出禎秀役不干時而功已著暫勞久逸神永有憑  
自古泰山邴色由存五嶽尊同哀此勤民獨不賴福  
乃上復十里內工商農賦克厭帝心嘉瑞仍畚風雨  
應時灑潤品物君舉必書况乃盛德惠及神人可無  
述焉於是功曹郭敏主簿魏龍戶曹史許禮等遂刊  
玄石銘勒鴻勳垂曜垂幹永有昭識其辭曰

兩儀剖判清濁始分陽凝成山陰積為川泰氣靡吝

洪波汜臻堯命伯禹決江開汶以靈既定

闕二字北民

乃列祀典辨于羣神因瀆祭地嶽以配天也主尊脩

永亨歷年赤銑煌煌受茲泰福京夏密清殊俗賓服

令問不違可謂至德德音孔昭實惟我后出自中興

大漢之甥本枝繁昌延慶長久俾守西嶽達奉神禮

改傳飾廟靈則有濟降瑞畚衽景風凱悌惟風及雨

成我稷黍積民用章康艾室宇刊銘紀誦克配梁甫  
 右樊毅脩華嶽碑華嶽有樊毅之碑三華亭及華  
 租碑皆云祠事在元年季冬華亭碑云繕治就緒  
 在二年正月此碑叙始祠乃在二年十月與前不  
 同蓋此碑多誇如云復十里內工商農賦夫以祠  
 祭勞民養牲費橐為農乞復租筭可也工商何與  
 焉前碑以午年季冬己巳齋祠至來春己卯一旬  
 之內工役已就則所脩者散齋外亭爾蓋是以次  
 整治工役相繼至未年之冬衆作咸畢十月之祠

乃是次年再舉此云役不干時而功已著蓋欲美  
 其速成故不引午年之祭也碑云有漢元舅五侯  
 之冑謝陽之孫按范書樊宏封壽張侯樊丹射陽  
 侯樊尋玄鄉侯樊忠更父侯樊茂平望侯樊氏侯  
 者凡五國毅即丹之後也水經云泚水西南流謝  
 水注之詩所謂申伯番番既入于謝者樊丹封謝  
 陽即其國又云自廣陵出白馬湖逕山陽城西即  
 射陽縣之故城高祖封項纏為射陽侯乃其地据  
 此則傳以丹為射陽誤也

碑以識方為職方壘為  
 裡犁為黎濊為穢濊為

漸兄為况善幹為億齡舜即舜字畚即谷字泰即介字

### 東海廟碑

惟永壽元年春正月有漢東海相南陽桓君下念四

時享祀有常每飾壺切旋則隨崩矜閔吏下費者不

永寧凡尊虛祇敬鬼神寔為黔勅祈福下咸慕義民

相帥四面並集乃部掾何俊左榮下殿佗兩傳起三

樓經構既立事業畢成俊等鑄石欲下榮非仁也故

遂闕而不著初縣典祠雖有法出附增之下絕請求

姑息之源瀕海鹽缺月有貴賤收責侵佯民多下限

貧富俱均下不容姦缺仁憂缺三惠康民賴其利

熹平元年夏四月東海相山陽滿君缺四初胗令下

進瞻壇缺退宴礼堂嘉羨君功既爾缺三是乃退咨

下惜勛績不著後世無聞遂佗頌曰

浩浩倉海百川之宗經落八極潢缺二洪波潤下物

雲雨出焉天淵缺二禎祥所缺昔在前代昭事百下

有司齊肅致力四時奉祠蓋亦所以敬恭明神報功

下闕倚傾於鑠桓君是繕是脩缺二慕缺不日而成

功下缺孫 退述爰勒斯銘芳烈永著缺載垂馨

碑陰

闕者秦始皇所立名之秦東門闕事在史記

右東海廟碑靈帝熹平元年立在海州永壽元年

東海相南陽君崇飾殿宇起三樓作兩傳其掾屬

何俊左榮欲為鐫石而南陽君止之厥後山陽滿

君踵其武嘉歎勛績為作碑頌而二君名皆淪滅

矣別有數句載秦東門事乃頌所謂倚傾之闕者

碑錄朐山有秦始皇碑云漢東海相任恭脩祠刻

於碑陰似是此也任君當又在滿君之後南陽之

後更十八年後人猶頌其美則模撫決非苟然者

予官京口日將士往來朐山者云海廟一椽不存

自今非四十年前舊物不復見此刻矣歐陽公時

天下一家漢碑雖在遐陬窮谷無脛而可至集古

錄中已屢言難得為可寶况今乎

碑中以  
陔為地

桐柏淮源廟碑

迺熹六年正月八日乙酉南陽太守中山盧奴缺君

處正好禮尊神敬祀以淮出平氏始於大復潛行地

中見于陽口立廟桐柏春秋宗奉灾異告愬水旱請

求位比諸侯聖漢所尊受珪上帝大常定甲郡守奉  
 祀濟絜沈祭從郭君以來廿餘年不復身至遣丞行  
 事簡略不敬明神弗歆灾害以生五嶽四瀆與天合  
 德仲尼慎祭常若神在君准則大聖親之桐柏奉見  
 廟祠崎嶇逼狹開拓神門立闕四達增廣壇場飭治  
 華蓋高大殿宇缺齊傳館石獸表道靈龜十四衢廷  
 引敞宮廟嵩峻禋慎慶祀一年再至躬進三牲執玉  
 以沈為民祈福靈祇報祐天地清和嘉祥昭格禽獸  
 碩茂草木芬芳黎庶賴祉民用作頌其辭曰

泫泫淮源聖禹所導湯湯其逝惟海是造跡穢濟遠  
 柔順其道弱而能強仁而能武缺二書爽明哲所取  
 寔為四瀆與河合矩烈烈明府好古之則更恭祀祀  
 不愆其德惟前廢弛匪躬匪力灾眚以興陰陽以忒  
 陟波高田臻茲廟側肅肅其敬靈祇降福雍雍其和  
 民用悅服穰穰其慶丰穀豐殖聖君輿駕扶老攜息  
 慕君塵軌戎走忘食懷君惠賜思君罔極于肯樂子  
 傳于萬億

春侍祠官屬五官掾章陵劉訢功曹史安眾劉瑗主

薄蔡陽樂茂戶曹史宛任巽

秋五官掾新缺梁懿功曹史鄺周謙主簿安衆鄧嶷

主記史宛趙旻戶曹史宛謝綜

右桐柏淮源廟碑今在唐州載延熹六年南陽守

躬祠淮廟事水經云廟前有碑是郭苞立又二碑

延熹中守令所造此則其一也碑云奉祀濟絜字

書無濟字以文意推之當為齋戒之齋此碑又有

一正書者如華蓋誤作萃豐晝夜誤作立式凡十

數字婁壽亦有正書一碑州鄰誤作鄰里愛懷誤

作盛德其難辨如朱爵及處謚字則以為闕文予

之費目力於此書良不少也

祐即拓字華即華字  
裋即祇字表即奔字

### 敬阮君神祠碑

天地定位山

字缺七

嶽瀆諸侯

缺

事其細

缺

祭法白凶

林川谷有益於民

字缺二

在祀典夫中條之凶者蓋率

岳之體也石隄樹谷南通商雒以屬熊耳百川鍾集

充崖滿谷時有盛雨彭瀆涌溢乘高趨下揚波跳沫

於是敬阮以為之黃承寫其流北注諸渭濁滌瀆暴

使不為害前古通利吏民興貴有御史大夫將軍牧

伯故為立祠以報其功自正新已來其祀隨廢所稍  
 堙塞隄防沮潰漂沒田疇滯敗亭市神怒民怨縣遂  
 以袞賤仕宦失官踣弊不震迄光緒四年任諮之歲  
 令河東聞憲缺君諱缺字君缺為政以德五教時序  
 肅恭明神敬奉禋祀勤郵民隱而除其害愍一縣之  
 陵遲懼缺至之無備追惟伯禹遏治之利乃復浚治  
 散所通利其水紹脩舊祀弘拓其祠使民報祈視於  
 社稷其有徵拜州郡辟名皆當來辭大小有差散所  
 君尚饗後之人是遵是奉神必據焉

光緒四年六月辛未造

丞陳笛陳笛夏龔叔淵左尉金城令居張德元缺有  
 秩長安賈福仲鮫田亮伯南蘇熹仲夏高紺子彊蘇  
 璋元興路陽子慎缺二仲義蘇立仲節李邵伯孝李  
 政寧安王勝元超趙榮宣昌侯榮缺方趙殷仲理王  
 弘漢侯楊習元永萇防季万介冲景升趙濟子成但  
 邵仲雲田芝子紉張珪子珪栢梁子順來臨選高許  
 傾缺二楊平長方李珍伯缺丁封漢侯李和元永范  
 建子順呂泉文淵田表文飾王范顯方李紀德和靳



苗長南賈熙子寧任觀

字缺二

吳楞子方張巽多謙李

衡升擢王琦威賢張脩元載田禕元明王衍元升田

謙敬讓趙慎季都劉翔進方王頌子睢王咸多宣梁

和子陽馬

缺

選高帶

缺

仲公帶

遼升

高郭義君思蘇

禎元升閔漢國寧郭歆賢明郭捷仲捷趙嵩瑋高劔

翊子翊田僊多和高盛村排楊服國先賈靚子上慈

仁安國張信村信

右般阮君神祠之碑銘篆額在鄭縣靈帝光和四

年縣令裴畢字君先立碑无縣令姓名据水經得

之般有二陵古稱地險蓋小阜高深雨盛水集有

阮以儲之則可以疏泄溉注而無溢溢之患自晉

魏以來謂之五部神廟歐陽公嘗託部使者模此

碑命工以麩填其刻而鐫剔之始可讀云廟有石

隄西成樹谷五樓先生東臺御史王翦將軍之像

莫可曉今碑云石隄樹谷南通商雒當是有石為

隄有木為谷後人因以名其神碑云前世通利吏

民興貴有御史大夫將軍牧伯故為立祠考其文

意盖謂前世阮不堙塞水泉通利地產人物有至

御史將軍牧伯之貴者後人不孝亦以名其神爾  
 光和之四年龍集辛酉此碑以作噩為作詔者出  
 西漢天文志碑之末有題名六十六人云有秩長  
 安知其皆長安人也李翕碑去衡官有秩李瑾倉  
 頡碑云蓮勺左鄉有秩衛彈碑云有秩定陵杜則  
 漢志有秩郡所署秩百石掌一鄉人戶五千則置  
 言其官裁有秩也

碑以彭為澎所即  
 阮字拓即拓字

殺阮碑陰

上缺  
 五人 散散字 鵠伯鸞 缺 龍子恩梁儼伯然張叙敬升鍾

乾元遜王裴仲輔王典翁讓吳中文和王肅伯雄徐

相子柜 缺 茂宣德張鴻子恩杜賸元載姚堂元政

缺 翁舉孔脩仲 缺二 字 衛伯魯 缺十 一人 趙翔德鸞李嵩子

師尹擢升先李 缺二 字 禮史嵩君義史訇德和張柴彦

輔王賢村善斬訓彦德田珠村王史柜翁升王鳳德

鸞解訓元龍馬彤仲選董衡奉德王興升侯徐彌升

舉 缺七人又 景傳介覽孔紀 缺二 字 文德張 缺 延明李

覽景豪程 缺 孔臺壽翼彦瑛吳 缺 文平王蘭元臺李

義孝鸞鄭續翁嗣楊深翁羅

右郡吏名

王祺孔鸞吳楚彦林吳頌仲升王衡相如龔常德淵

灌珠升明張儁廣漢郭永子長介演仲瑤費常伯臨

藥授博文董缺德和字信缺相缺二字又張訓缺

字李操多卿王巽仲宜田昌世昌姚恪文珪萇缺元

和缺舊多才夏廣政方戴玘文直閔芳瑋瑛張祺叔

盖王皓景然張奉文鸞田俱伯俱李珪永齊趙超文

村陳異子都高廣廣寧万珪叔珪薛胡威甫救舉遂

興韓高元寶尹廣元佐王方叔段袁渡廣世缺二人

字升字缺二蔣仲謀田翕伯佑郭曙元良王缺叔海田

撈威甫趙撫盖缺來仁伯仁馬弘阿買田式文嗣王

京子京李龍升和楊常子騫趙授保受龐龍子贛李

字缺二義王酺雲甫救舅文曜田寧叔威姚豐富缺楊

暉進缺張宗宣平范甫次君字缺二子雲缺四人又顯

明胡放子封王盖盖德李康季邑蘇排紉排蘇香伯

志藉昌仲昌田嵐仁卿馬碭紉碭萇冬冬生王雲文

謙綏羣伯羣徐位建明趙達文達李拂漢威趙寧寧

昌尹涼升和張昺子師略陽京師張寵孟升李汎長

珠涂衡仲緒杜淵季淵缺忠子信王忠長和趙春孟

春王覽文進字缺二阿缺一字又王尊長珪楊悒子缺

上官季弟楊道村道塞亮君謙缺滿顯成楊雨石雨

北宮世平楊寧長寧吳累元累許和元德劉寧寧興

劉盛子上劉奉阿奉劉興阿興劉緒長升鄭文文平

袁帶村平朱長桂房字張輔伯輔孟堅王遠庠

興華選孟方陳友村友潘京阿京北宮子祿朱汜伯

缺李延延方新政方政車春阿春田彦多孫慎子

慎王賀元賀華長阿長張選村安田高長高魚升升

明趙始始昌楊明阿明楊陽阿陽張丙阿丙李靚孔

和趙墨阿黑李賢阿賢張長阿長李南阿南魏騫伯

信李誨元稱藥適子長楊覽文博侯懿文都張僉元

行王進缺楷田晉元臺蘇缺伯臺楊祺伯昌孫恪文

敬桓敷公平范叙文彊劉文文載吳鴻子超趙懿子

肯潘建文德雲協選和陳步村才朱瓊子村史容子

容楊吉文行缺遠子遠北宮阿猛王剛季各布張侯

孟都張蕃市生駱紹承先蘇都村才馬金阿金趙覽

文博車詡季詡靳彦彦平魏憲缺憲缺汜文才田黑

阿黑

缺一人

吳

缺三字

田

阿羣

高

悰

子珪

陳傾

阿傾

杜

寔

阿寔

韓廣

廣寧

任負

阿負

趙微

阿越

田擢

子

缺

孝

夏

侯

阿升

吳道

文建

王尊

阿尊

龍

曜

文

曜

于

綏

升

高

馮

羣

阿羣

松

衆

文

德

李

超

元

德

脩

文和

侯

觀

阿

田

彦

賈

仲

又

田

李

崇

阿

崇

來

高

楊

才

達

升

趙

長

阿

長

宮

蘇

永

德

長

王

忠

阿

忠

張

湘

卿

史

式

阿

式

鄭

儉

村

節

董

逵

升

楊

敬

阿

敬

田

通

升

達

嚴

別

謹

龍

就

為

德

任

遷

阿

遷

張

金

舉

缺三字

達

缺一人

壽

盖

阿

盖

張

飛

為

萬

歲

略

陽

孝

弟

趙

尊

元

敬

元

崇

夏

統

子

治

田

受

子

道

高

子

升

張

寧

子

安

吳

丙

子

升

子

缺

甄

謀

子

謀

侯

選

子

選

子

堅

魏

生

長

生

金

杜

略

陽

子

子

缺

秦

靈

孔

靈

楊

子


樂

朝


朝

右穀阮神碑陰三百四十二人其磨滅不可見者  
 三十餘字小而勁漢隸之神品也前碑之後曰有  
 秩者六十餘人在碑之陰則無秩可知矣其前四  
 十餘人稱之曰郡吏其間四十人皆字其名而繫  
 以阿字如劉興阿興潘京阿京之類必編戶民未  
 嘗表其德書石者欲其整齊而強加之猶今閭巷  
 之婦以阿挈其姓也又有複姓數人但云北宮世  
 平夏侯阿升可見其不欲參差也靈臺碑陰載諸  
 仲名字有仲東阿東及仲阿同仲阿先數人與此

正相類鼻即曼字  
 它碑皆然



隸釋卷第二



隸釋卷第三

老子銘

楚相孫叔敖碑 并陰

仙人唐公房碑 并陰

張公神碑

三公山碑

無極山碑

白石神君碑

老子銘

老子姓李字伯陽楚相縣人也春秋之後周分為二  
稱東西君簪六卿專証與齊楚竝僭號為王以大并  
小相縣虛荒今屬苦故城猶在在賴鄉之東過水處

其陽其土地鬱壘高敞宜生有德君子焉老子為周  
 守臧室史當幽王時三川實震以夏殷之季陰陽之  
 事鑒喻時王孔子以周靈王廿年生到景王十年年  
 十有七學禮於老聃計其年紀聃時以二百餘歲聃  
 然老旄之貌也孔子卒後百廿九年或謂周大史儋  
 為老子莫知其所終其二篇之書稱天地所以能長  
 且久者以不自生也厥初生民遺體相續其死生之  
 義可知也或有浴神不死是謂玄牝之言由是世之  
 好道者觸類而長之以老子離合於混沌之氣與三  
 光為終始觀天化識缺降什斗星隨日九變與時消  
 息規槩三光四靈在廟存想丹田大一紫房道成身  
 化蟬蛻渡世自羲農以來缺為聖者佗師班固以老  
 子絕聖棄知禮為亂首與仲尼道違述漢書古今人  
 表檢以法度抑而下之老子缺與楚子西同科材不  
 及孫卿孟軻二者之論殊矣所謂道不同不相為謀  
 也延熹八年八月甲子

皇上尚息弘道舍閔光大存神養性意在凌雲是以  
 潛心黃軒同符高宗夢見老子尊而祀之于時陳相



邊韶典國之禮材薄思淺不能測度至人辯是與非  
案據書籍以為老子生於周之末世玄虛守靜樂無  
名守不息危高官安下位遺孔子以仁言辟世而隱  
居變易姓名唯恐見知夫日以幽明為節月以虧盈  
自成損益盛衰之原倚伏禍福之門人道惡盈而好  
謙蓋老子勞不定國功不加民所以見隆崇于今為  
時人所享祀乃昔日逃祿處微損之又損之之餘眚  
也顯虛无之清寡云先天地而生乃守真養壽獲五  
福之所致也敢演而銘之其辭曰

於惟

缺

息抱虛守清樂居下位祿執弗營為繩能直

屈之可縈三川之對舒憤散逞陰不填陽孰能滯并  
見機而佗需郊出坳肥遁之吉辟世隱聲見迫遺言  
道息之經譏時微喻尋顯推冥守一不失為天下正  
處厚不薄居實舍榮稽式為重金玉是輕絕嗜去欲  
還歸於嬰皓然歷載莫知其情頗違法言先民之程  
要以无為大缺用成進退无恒錯綜其貞以知為愚  
冲而不盈大人之度非凡所訂九等之敘何足累名  
同光日月合之缺星出入丹廬上下黃庭背棄流俗

舍景匿形苞元神化呼吸至精世不能原印其永生  
天人秩祭以昭厥靈羨彼延期勒石是旌

右老子銘篆額在亳州苦縣苦屬陳國故其文陳  
相邊韶所作碑云延熹八年八月帝夢老子尊而  
祀之帝紀此年春冬兩遣中常侍至苦祠老子水  
經載蒙城王子喬碑亦云延熹八年八月帝遣使  
致祠國相王璋乃銘紀遺烈蓋威宗方脩神仙之  
事故一時郡國競作碑表此石立於延熹无疑杜  
子美云苦縣和尚骨立者誤也碑中多用大史

公語唯聃然老旌之說不同韶以老子與子西同  
科深詆班孟堅之失至於韓非同傳則又置而不  
論何也碑云孔子學禮於老子時年十有七按世  
家孔子年十七孟釐子病誠其嗣必師孔子故孟  
懿子與南宮敬叔往學焉其次又云敬叔與孔子  
適周見老子詳史之所記初非一年中事况孟釐  
子卒在魯昭公二十四年孔子蓋年三十有五矣  
韶不詳究史家之指而誤用之何貴乎五經笥也

碑以浴神為谷神旌与耄同渡与度  
同林与纜同纒与累同冢与寂同

楚相孫叔敖碑舊碑缺五十餘字此用續刻者故其文全

楚相孫君諱饒字叔敖本是縣人也六國時期思屬  
楚楚都南郢南郢即南郡江陵縣也君受純靈之精  
懷絕世之才有大賢次聖之質少見枝首蛇對其母  
泣吾將死母問其故曰吾聞見枝首蛇者死今日見  
之母曰若奈之何吾熬行數十步念獨吾死可空復  
令他人見之死為曰埋掩其刑母曰若無憂焉其陰  
德玄善遂為父母九族所異及其為相布政以道考  
文象之度敬授民時聚藏於山殖物於藪宣導川谷

波障源淥溉灌坂澤堤防湖浦以為池沼鍾天地之  
美收九畢之利以愍潤國家家富人喜優嗜樂業拭  
序在朝野無蟻餼豐年蕃庶人有曾閔貞孝之行四  
民美好從容中節高樞改幣一朝而化其憂國忘私  
乘馬三車不別牝牡繼高陽重藜五舉子文之統其  
忠信廉勇禮樂文章軌儀同制其富國充民明天時  
盡地力寔堅禹稷不能踰也專國權寵而不榮華一  
旦可得百金至於歿藹而無分銖之蓄破玉玦不以  
寶財遺子孫終始若矢去不善如絕罔辟患害於無

刑衛節高義敦良奇介自曹臧孤竹吳札子罕之倫  
不能驂也生於季末仕於靈王立溷濁而澄清覈幽  
昏而照明其遺武餘與懼不與戲皇帝代同世世為  
列姪國在朝廷其意常墨墨若冠章甫而望塗炭也  
病甚臨卒將無棺郭令其子曰優孟曾許千金貸吾  
孟楚之樂長與相君相善雖言千金實不負也卒後  
數年症王置酒以為樂優孟乃言孫君相楚之功即  
忼慨商歌曲曰貪吏而可為而不可為廉吏而可為  
而不可為貪吏而不可為者當時有汙名而可為者

子孫以家成廉吏而可為者當時有清名而不可為  
者子孫困窮技竭而賣薪貪吏常苦富廉吏常苦貧  
獨不見楚相孫叔敖廉絜不受錢涕泣數行若缺首  
王王心感動覺悟問孟孟具列對即求其子而加封  
焉子辭父有命如楚不忘亡臣社稷缺而欲有賞必  
於潘國下濕堯桷人所不貪遂封潘鄉潘即固始也  
三九無嗣國絕祀廢固始令段君夢見孫君則存其  
後就其故祠為架廟屋立石銘碑春秋烝嘗明神報  
祚即歲遷長掖大守及期思縣宰段君諱光字世賢

魏郡鄴人庶慕先賢體德允恭萬古尊舊奉履憲章  
 欽翼天道五典興通文藉祭祠祇肅神明臨縣一載  
 志在惠康死枯稟之愛育藜蒸討掃醜類鰥寡是矜  
 杜偽養善是忠表仁感想孫君迺發嘉訓興祀立壇  
 勤勤愛敬念意自然刻石銘碑千載表績萬古標記  
 福祐期思縣興士熾孫氏蒙恩

漢延熹三年五月廿八日立

右楚相孫君之碑隸額今在光州延熹三年固始  
 令段光為叔敖作廟所立昔楚莊王朝而晏罷樊

姬因言虞止子之非虞止乃薦叔敖代已而去楚  
 國區區前有虞止後有孫叔其內又有樊姬莊王  
 雖欲不霸得乎左氏傳載為教為艾獵杜預皆以  
 為叔敖它書但云孫叔敖此碑獨言其名饒未知  
 何據高相改幣乃孫叔革故易俗之事左傳所云  
 君子小人物有服章亦是類也蛇有二首謂之柘  
 首柘讀如枝亦由岐首此云枝首蓋是借用鼃錯  
 倪寬史家亦用朝与兒字此以伍舉作五舉以庭  
 堅作霆堅豈古亦通用乎

碑中以刑為形以波為  
 陂以拭為式以俯為贄

以藜為黎以駮為參以墨為默以郭為榘以孫叔長掖為張掖泉添水而為淥澤去水而為畢

以忠清相楚不以寶財遺子孫玉玦尚猶破之蓋

季文子公儀休之倫也云云未幾妻子至於披褐

賣薪楚廷非死左右大臣塗其耳而不聞卷其舌

而不談慷慨悲歌感寤主聽乃一伶人爾豈樊姬

已死而叔敖薦進之士不逮虞丘乎三九無嗣者

无相繼為三公九卿也

又質聚游野螟處塗遷鯨

### 孫叔敖碑陰

延熹三年歲在

字缺二

中夏之節政左封表期恩長光

視事一紀訪問國中耆耆舊齒素聞孫君楚時良輔

本起比邦垂名於後博求遺苗曾玄孫子孝龜吉辰

五月辛卯宜以存廢可立碑祀招請諸孫都會國右

郭西道北處所顯好興上宰祭倡優鼓儻式序其胄

授之端首先以不肖貪追賢烈以自榮寵時丞左馮

翊姓如諱武尉京兆周陵詳集共造戶曹掾裒騰令

史許松

相君有三嗣長子即封食邑固始少子在江陵中子

居三

缺

虛叢

缺

業績村二宗則其苗曾也相君卒後

十有餘世有渤海大守字武伯武伯有二子長子字

伯尉少子字仲尉仕郡為掾史伯尉有一子字世伯

舉江夏孝廉城門候仲尉有二子長子字孝伯荊州

逆事弟世信任字缺二掾功曹會喪之間宗黨為賊

寇所敗世伯孝伯世信各遺一子財八九歲微弱

不能仕學世伯子字子仲治產於續靈有六男一女

大子字長都次子蘭卿次弟字仲陽次弟字通次

弟字衛公次弟字劉卿比續宗六父也孝伯子字文

缺亦不仕學治產於材靈亦有六男一女大子字惠

明次弟字次卿次弟字聖公次弟字稚卿次弟字產

卿次弟字少都比材宗六父也世信一子相承季陵

文卿孝公比缺靈一父別其高祖與材高祖父親兄

弟孫氏宗族別缺誣紀也

右孫比教碑陰此陰與前碑皆延熹三年五月所

作前云臨縣一載此云視事一紀蓋以一紀為一

年爾段光宦君子之鄉懷良輔之美訪問耆舊博

求遺苗卜擇令日興廟植碑招集諸孫倡樂高會

又以其雲來長幼之序仕學生產之實刻于碑之

陰雖自譜其家者亦不如是之詳也

續即繚字效  
即殺字誼即

字譜

仙人唐公房碑

君字公所成固人蓋帝堯之

字缺十

之故能舉家

字缺五

去上陟皇耀統御陰陽騰清躡浮命壽無疆雖王公

之尊四海之富曾

字缺五

毛天地之性斯其至貴者也

耆老相傳以為王矣居攝二季君為郡吏

字缺四

土域

啖瓜旁有真人左右莫察而君獨進美瓜又從而敬

禮之真人者遂與

缺

期聲谷口山上乃與君神藥曰

服藥以後當移意萬里知鳥獸言語是時府在西成

去家七百餘里休謁往涿轉景即至闔郡驚焉白之

府君從為御史舁輜輶車被具君乃畫地為獄召冒

誅之視其腹中果有被具府君

缺

賓燕欲從學道公

所頃無所進府君怒勅尉部吏收公所妻子公所乃

先歸於谷口呼其師告以危急其師與之歸以藥飲

公所妻子曰可去矣妻子孿家不忍去又曰豈欲得

家俱去乎妻子曰固所願也於是乃以藥塗屋柱飲

牛馬六畜須臾有大風玄雲來迎公所妻子屋宅六



畜條然與之俱去昔喬松崔白皆一身得道而公所  
舉家俱消盛矣傳曰賢者所存澤流百世故使聾鄉  
春夏毋蚊蚋秋冬鮮繁霜癘蠱不遐去其螟蠹百穀  
收入天下莫知斯德祐之效也道牟羣仙德潤故鄉  
知德者鮮歷世莫純

漢中大守南陽郭君諱芝字公載脩北辰之政馳周  
邠之風歆樂唐君神靈之美以為道重者名邠德厚  
者廟尊乃發嘉教躬損奉錢倡率羣義繕廣斯廟  
和祈福布之北民刻石昭音揚君靈譽其辭曰

上缺遂享神樂超浮雲兮下缺

碑陰

故江陽守長成固楊晏字平仲東部督却成固左介  
字元術故江陽守長南鄭楊銀字伯慎處本南鄭祝  
龜字元靈司徒掾南鄭祝楊字孔達處本南鄭祝岱  
字子華故益州從事南鄭祝忱字子文處本南鄭祝  
恒字仲華處本南鄭祝朗字德靈處本南鄭祝崇字  
季華大守史南鄭祝榮字文華大守史南鄭趙英字  
彦才處本南鄭劉通字海缺故襄中守尉南鄭趙忠

字元楚

字缺二

南鄭楊鳳字孔鸞

右仙人唐君碑篆額漢中太守郭芝立今在興元  
 唐君字公房王莽時人也博物志云城固縣壻鄉  
 有唐公昉得道雞犬皆升仙惟以鼠有惡不得去  
 鼠自悔每月一吐其腸胃更生謂之唐鼠揔仙錄  
 所引博物志又云鼠至空中自墮腸出一月三易  
 故山中有拖腸鼠水經云智水川有唐公房祠公  
 房入雲臺山合丹服之白日升天雞鳴天上狗吠  
 雲中以鼠惡留之鼠乃感激以月晦日吐腸胃更

生公房升仙之日壻行未還不獲同階雲路約以  
 此川為居言无繁霜蛟虎之患其俗因号為壻鄉  
 二說唯鼠事小異神仙錄則云神仙李八百為公  
 房家傭偽作惡瘡使公房夫婦及三婢舐之又索  
 美酒三十斛浣瘡因以餘酒浴公房夫婦顏色更  
 少授以丹經一卷公房入雲臺山作藥藥成服之  
 仙去其說俱異唯鍊丹雲臺与水經同爾後漢志  
 云褒中有唐公昉祠盖隸法房字其户在側故人  
 多不曉或作昉或作昉皆誤也

美即莽字聲即壻  
 字昇即鼠字孿即

戀字

張公神碑

惟和平元年正月字缺二朝歌長鄭栢造缺張公建缺

良缺之山運置蔡陽刊齒涿摩立左右闕表神道缺

豎碑廟堂之前到五月字缺二乃成長字缺二之銘勒神

懿先祕後昆其辭曰

於穆張公會和泰清受符皇極乾剛川靈何天之休

元亨利貞無字缺二貴神耀洞字缺二度缺泉毆商北垆

鬱朝慕陽厥土敞平芝草茂木瀟瀟滋榮羣萌勲矣

激川通字缺三懷字缺八廟克儉損盈詔命有司祭以中

牲歲聿再慶公其饗零興來億載歷數萬君字缺七太

字缺二顯猶昭拂英勲缺錫介福惠此吏民國無灾寢

屢獲豐年

皇帝眉壽千祿于天牧守皆升握台輔辰長與丞尉

超遷相因休缺烈烈無字缺三臨犁陽營謁者李君

畏敬公靈好鄭長文澈奉佐工悃愍勤缺吏字缺三

燾且惶作歌九章達李君缺頌公德芳其辭曰 蔡

水湯湯揚清波東流缺折缺于河字缺五朝歌縣以絜

靜無穢瑕公缺守相駕蜚魚往來悠忽遂熹娛祐此

北民寧厥居出自纂字缺四松柏鬱茂蘭公字缺二神

往來乘浮雲種德收福惠斯民家饒戶富無缺貧豐

界寧靜和睦缺朝歌蕩陰及犂陽三女所處各殊

方三門鼎列推其鄉時攜甥翁歸候公夫人字缺三容

字缺五饗缺觴穆風屑兮起壇旁樂吏民兮永未央

庶嘯嘯兮字缺二庭文樂樂兮字缺三飲清泉兮字缺三見

缺伏兮不駭驚惟公德兮之所寧上陵廟兮助三牲

天時和兮甘露冷日晡缺兮無虧傾字缺二蜚兮朱

鳥棲字缺二榮兮鳴啾啾戴鵠勦兮乳徘徊給御卵兮

戲于西惟公德兮之所懷池水缺兮釣臺祭四角

樓兮臨深澗魚岌岌兮踊躍見振鱗尾兮游盱盱時

釣取兮給亨敲惟公德兮之所行栗蕭竹兮藥鋪

陳新美萌兮香苾芬蕙草生兮滿園田競苔茗兮給

萬錢惟公德兮之所缺門堂鬱兮文耀光公神赫

兮坐東方明曩視兮儼印印夫人缺女兮列在旁陳

君處北兮逆官缺車騎駱驛兮交錯重乘輓輅兮駕

蜚龍驂白鹿兮逆仙僮游北壑兮與天通玄碑既

立雙闕建号字缺四大路畔号亭長閣字缺二扞難号列

種槐梓方茂爛号天下遠近缺不見号公神日著聲

洞漏号字缺二乾川傳億萬号

臨犂陽營謁者豫章南昌李朝伯丞左馮翊夏陽趙

寵德雅朝歌長穎川陽城鄭杞伯林左尉京兆下缺

水缺二陽里郭虞子下缺扶風安陵字缺二昭公虞士

魏君缺封缺仲舉虞士魏君犂陽字缺四

右張公神碑隸額在黎陽威宗和平元年立碑云

朝歌長鄭邠為張公建闕作碑銘勒神懿監黎陽

營謁者李君好鄭之文既徹俸佐工又作歌九章

刻之石皴剝不明僅能辨其梗槩其辭依放離騷

頗亦適雅可觀詩中再稱其夫人又云朝歌蕩陰

及黎陽三女所處各殊方三門鼎列推其鄉時攜

甥幼婦候公不知張公是何神也漢志注云世祖

以幽并州兵騎定天下故於黎陽立營以謁者監

之碑以綦為淇涿摩為琢磨勒為巢僮為僮漏為

編盈即盈字慶即薦字豸即宋字从水之字皆

三公山碑

封龍君 靈山君

上缺分氣建立乾川乾為物父川為物母運生六子

二字缺為缺巨土為山字缺二風雨天有九部地有八極

天地通缺神明別序州有九凶字缺成土北缺之凶

缺升缺阻上為祈首舍缺陰寶南號三公厥體嵩厚

峻極于天鼎足帝缺二郤宗祀缺奉字缺三公嘉佑缺

為形地觸石缺雲不崇而雨陰缺氛廓莫不字缺二德

配五岳王公所緒四時珪璧月醮酒脯缺公降靈六缺

字得志列缺羣后或在王庭輔翼聖主颺雨時降和

其寒暑丰豐歲稔分我稷黍倉府既盈以穀士女二缺

字得進陳其鼎俎黃龍白虎伏在山所禽字缺二億

兩為耦草木暘茂巨仞不斲下民知禁順時而取皆

受德化非性能者顛明公垂恩罔極保我國君羣黎

百姓缺受元恩光和四率歲在辛酉四月缺亥朔二

日甲子元氏左尉止郡白土樊瑋字子義瑋缺要二缺

字陵側陋出送幽谷遷于喬木得在中州尸素食祿

缺以弱缺歸于缺族缺明缺謹缺以缺足觀聽字缺二

道無拾遺消扞缺難路無怨讟得應廉選貢名王室

靈祇福祉施出缺册於足感恩缺二立銘勒石乃位

頌曰

儼儼明公民所瞻号凶缺窈窕石巖巖子高倉缺二

候羣神号興雲致雨除民患号長吏肅巷缺二心号

四時奉祀黍稷缺号缺用缺五号百姓家給國富殷

号仁愛下下民附親号遐邇攜負來若雲号或有薪

采投輻檀号或有缺鬼阻出缺号或有缺四耘子或

有隱遁辟語言号或有恬淡養皓然号或有呼吸求

長存号改行喙息皆缺恩号缺佑樊埜出谷遷子封

侯食色傳子孫号刻石紀德示後昆号永永不缺億

載年号

舉將南陽冠軍君姓馮諱巡字季祖缺脩六經之要

析缺二出歷受命北征為民父母攘去寇缺用无

缺姦缺越竟民移俗改恭肅神祇敬而不怠皇靈缺

佑風雨時節農缺執耜或耘或芋童妾壺饁敬而賓

之稼穡穰穰穀至缺錢對粟如火咸裒仁心君姿前

詰喬札季文缺稂秀不為苛煩愍俗陵遲缺二咨

缺山無隱士藪無逸民裒道以德慕此缺二百姓歐

歌得我惠君功參周邵受祿考天長履景福子子孫

孫 長史甘陵甘陵夏方字伯陽令京北新豐王翊字

元輔丞河缺武李缺字公興石陟劉元存

右三公之碑隸額兩旁又有封龍君靈山君六隸

字頗大郡國志常山國元氏注云有石塞三公塞

所謂三公塞即此山也石塞即白石山也白石碑

云縣界有六名山三公封龍靈山先得法食无極

山碑載光和詔書出元氏縣錢給三公山四時祠

具又云三公山与龍靈山无極山共興雲雨盖封

龍与靈山是兩山之名揭其神於額之旁者即是

配食三公之祠故碑中有鼎足之文也頌云儼儼

明公民所瞻兮碑云願明公垂恩罔極保我國君

盖以明公稱山之神而謂國相為國君也此碑光

和四年左尉樊子義立頌末有樊君徼福之句而

讚美舉將馮巡幾二百言馮君乃常山相也頌者

先公太師以使事為北方所留紹興癸亥年政地

王次翁使至燕先公鬲垣墻与驛中人語為覘



者所得賴副留守高吉祥之力脫縲紲而歸子之  
出疆也高之子嗣先相廷勞以先世之故並轡殊

從容嘗諉其訪尋中原古刺云北人所不好市无

粥碑者及道過真定顧瞻名山三嘆而已碑以伋為物犁

為黎叔為菽秀為莠遲為遲歐為謳鼎即鼎字柔即黍字凶即凶字芋即籽字壘即壘字襄即懷字

無極山碑

光和四年月辛卯朔廿二日壬子大常臣眈承敕

頓首上

尚書謹案文書男子常山盖高上黨范遷詣字缺三為

元氏三公神字缺一本初元年二月癸酉光和二二年二

月戊子詔書出其縣錢給四省祠具去年五月常山

相巡遣吏王勲三缺弘衰詣三公山請雨山神即使

高傳言令勲衰歸缺雨可得三公山即與龍靈山無

極山共興雲交兩國相巡元氏令王翊各白芊塞神

山復使高與遷及縣吏和卞令俱詣大常為無極山

神崇灑食比三公山臣疑高遷言不實輒移本國缺

覈今常山相書言部督郵書掾成熹參訊實問熹縣

令翊各言無極山與无隆俱生卞上至體可三里所

立石為體二丈五尺所政南缺上青下黃白色前

政平可布兩大席山周帀廿餘左西南世里縣界有

名山其三公對龍靈山皆得法食每長吏祈福吏民

禱告如言有驗乞合無極山比三公對龍靈山祠缺

七牲出用王家錢小費蒙大福尊神呂珪璧為信臣

愚臣為如巡言為民來福呂祠祀為本請少府給珪

璧本市祠具如癸酉戊子詔書故事報臣耽愚顛頓

首頓首上

尚書

制曰可

大尚承書册事

上缺月十七日丁丑尚書令忠奏雒陽宮

光和四年八月辛酉朔十七日丁丑尚書令忠下

光和四年八月辛酉朔十七日丁丑大常耽丞敏下

常山相缺册事下承缺用者如詔書書到言

昔在禮英國有名山能昇材用興雲出雨為民來福

除典則祀元氏縣有先昔三公對龍靈山已得法食

而獨未光 and 四年二月所子大男盖高上黨范遷奏

記大常大常下郡國相南陽馮府君咨之前志缺問

耆僂僉已為寔神且明每國縣水旱及民疾病禱祈

輒應昔有報又有終南之敦物与岱崇之松及楊蔬

之棧缺條蕩焉村用於是乎出官民於是乎給左禮

秩祀有功必報今昔無極山應灋食誠其宜且於是

言大常奏可其丰八月丁丑詔書聽其九月更造神

廟恢拓祠宮置吏犧牲册制月醮昔祠禮与三山同

乃立碑銘德頌山之神焉其詳白

巖巖無極厥體巍巍缺嵩缺萬常缺灋缺梯浚谷干刃

窈窕凸隈楸林苾毒倉氣蔚伊缺碩缺礪缺隗缺階缺灌

遙望儼然即就有威觸石膚寸興雲祁祁雨我公田

遂及我私百穀用成家有其資禱禳請祈應速不迟

鳥獸艸木蕃茂隆缺猥缺神為之哀欽案礼英咨古

遺則功加于民官報其德今備七牲珪璧法食改館

興廟恢拓宇室增益吏設恭君下職月醮昔祀肅桓

齊壺缺必博碩酒必嘉粢粢盛馨香如禮不失額君

歆享降福孔缺官民禱祈僉缺密勿有旨禳解報應

可必缺灋食將祐我君我君高缺衆多子孫君其

遺慶副稱頌云

常山相南陽嗣軍馮巡字季祖長史潁川缺申屠缺

字缺二元氏令京北新豐王翊字元輔丞河内缺五

左尉上郡白土缺二字缺祠祀掾缺賢廉香缺掾

和缺五祠仁德掾樊湫史吳宜小吏吳黑

光和四年十月十三日缺石甃缺二造

右無極山碑篆額在真定此山与三公山封龍山

靈山白石山皆在元氏男子盖高范遷援三公龍

靈有請於太常乞官給珪璧四時祠具詔從之吏

民更造廟宇而立此碑靈帝光和四年也蔡質漢

官典儀曰司隸城門校尉上尚書言頓首上下言

誠皇恐頓首上謁者上尚書頓首死罪上下言誠

皇恐頓首死罪上今所有者史晨樊毅兩碑皆用

謁者式与蔡說合惟此碑其后但再稱頓首又太

常稱臣而丞不稱莫詳其制碑云有終南之敦物

岱宗之松楊越之篠蕩盖以敦物為終南所產与

松篠同科今經史多作悖物注云山之名也顏之

推謂詩之有滄萋萋興雲祁祁當是興雨趙氏据

此碑云漢以前本皆作興雲因顏氏改之予按左  
雄傳已作興雨祁祁則漢代言詩者自不同由唐

以來定本始以興雨為正非因顏氏也碑以塞為

條為篠刃為仞番茂為蕃茂灑即法字霰即霰字

元隆即天地字加即從字慙即慙字拓即拓字椹

白石神君碑

蓋聞經國序民莫急於禮禮有五經莫重於祭祭有  
二義或祈或款款以章德祈以弭害古先哲王類帝  
禋宗望于山川徧于羣神建立北域脩設壇屏所以

昭孝息民輯寧上下也白石神君居九山之數叅三

條之壹兼將軍之號秉斧鉞之威體連封龍氣通北

嶽幽讚天地長育萬物觸石而出膚寸而合不終朝

日而澍雨沾洽前後國縣屢有祈請指日刺期應時

有驗猶自抱損不求禮秩縣界有六名山三公封龍

靈山先得法食去光和四年三公守民蓋高等始為

無極山詣大常求法食相縣以白石神君道德灼然

乃具載本末上尚書求依無極為比即見聽許於是

遂開祐舊地改立殿堂營宇既定禮秩有常縣出經

用備其犧牲奉其珪璧絜其粢盛旨酒欣欣燔炙芬  
芬敬恭明祀降福孔殷故天無伏陰地無魚鱉陽水無  
沉氣火無灾燁時無逆數物無害生用能光遠宣朗  
顯融昭明年穀歲熟百姓豐盈粟升五錢國界安寧  
尔乃陟景山登崢嶸采玄石勒功名其辞曰

巖巖白石峻極大清皓皓素質因體為名惟山降神  
髦士挺生濟濟俊乂朝野充盈灾害不起五穀熟成  
乃依無極聖朝見聽遂興靈宮于山之陽營宇之制  
是度是量卜云其吉終然允臧匪奢匪儉率由舊章

華殿清閑肅雍顯相玄圖靈像穆穆皇皇四時禋祀  
不愆不忘擇其令辰進其馨香犧牲玉帛黍稷稻糧  
神降嘉祉萬壽無疆子子孫孫永永蕃昌

光和六年常山相南陽馮巡字季祖長史潁川申屠

熊字缺三元氏令京兆新豐王翊字元輔丞河南李邵

左尉上郡白土樊璋祠祀掾吳宜史解徽石師王明  
右白石神君碑篆額在真定靈帝光和六年立前


二年盖高等援三公封龍靈山請于朝為无極山  
得法食至是常山相馮巡元氏令王翊復具白石

本末求依無極為比朝廷聽許遂開拓殿宇琢石  
 勒碑其文有云居九山之數參三條之一趙氏莫  
 曉三條為何語按尚書正義曰從導岍至敷淺原  
 舊說以為三條地里志云禹貢北條之荆山則在  
 馮翊懷德縣南條之荆山則在南郡臨沮縣是舊  
 有三條之說也故馬融王肅皆以導岍為北條西  
 傾為中條岍冢為南條自岷山之南至敷淺原別  
 以岷山為首不與大別相接則岷非三條也殷阮  
 碑云中條之山者蓋華嶽之體南通商雒以屬熊


耳其文與正義合漢人分隸固有不工者或拙或  
 怪皆有古意此碑雖布置整齊略無纖毫漢字氣  
 骨全與魏晉間碑相若雖有光和紀年或后人用

舊文再刻者爾

碑以番昌為蕃  
昌祐即拓字



隸釋卷第三



隸釋卷第四

蜀郡守何君閣道碑

青衣尉趙君羊竇道碑

司隸楊君石門頌

廣漢長王君石路碑

武都守李翕西狹頌

李翕黽池五瑞碑

李翕析里橋邨閣頌

桂陽守周憬功勲銘

并陰

蜀郡太守何君閣道碑

蜀郡太守平陵何君遣掾臨邛舒鮪將徒治道造尊

榘閣袤五十五丈用功千一百九十八日建武中元

二年六月就道史任禹陳春主



右蜀郡太守何君閣道碑光武中元二年刻此碑  
蜀中近出毗陵胡世將承公好藏金石刻紹興已  
末年帥蜀尚未見之東漢隸書斯為之首字法方  
勁古意有餘如瞻冠章甫而衣逢掖者使人起敬  
不暇雖敗筆成家未易窺其藩籬也蜀人以為尊  
棧閣碑棧路謂之閣道非樓閣之閣也邛犍九折  
坂蓋其地華陽國志云道至險有長嶺楊母閣之  
峻昔楊氏倡造作閣故名焉范書光武之紀年二  
曰建武曰中元祭祀志云以建武三十二年為建

武中元元年宋莒公紀年通譜云紀志俱出范氏  
而所載不同必傳寫脫誤學者失於精審以意刪  
去梁武帝大同大通俱有中字是亦憲章於此司  
馬公作通鑑不取其說葉夢得少蘊避暑錄云韓  
玉汝家有一銅料其銘云新始建國天鳳上戊六  
年紹興中郭浩知金州田夫耕得一鉦其銘云新  
始建國地皇上戊二年予案王莽始建國之后改  
天鳳又改地皇二器与碑特相類殆莽漢之際習  
俗相尚以即位初元冠於新曆之上故此碑有建

武中元之文漢志亦采取一時所記失於筆削爾東夷傳云建武中元二年倭奴國奉貢蓋与志同

青衣尉趙孟麟羊竇道碑

羊竇道舊故南上高山下人字入深谷危駁回遠百姓

患苦永初六年青衣尉南安趙孟麟交易由此道濱

江平澤無盜賊差近廿里騎馬僂負水弱得過除去

危難行人萬姓莫不蒙恩傳于無窮乎

維世青衣尉趙君故治所書佐郡督郵隨牒除到

六日郡召南蜀鐵商長積四月治狀办明徙守成都

今復還歸尉商羊竇故道高危君受字穿崖易道盜

賊徵止老弱往来無患時興字典主通道者積裕故吏

梁沔捕盜賊王留百姓過者皆蒙恩君延壽萬年

書此盛巨永元十一月九日造

右青衣尉趙君羊竇道碑亦近歲始出於眉州趙

君字孟麟以安帝永初六年穿崖易道行人去危

即安故刊石以志其事字畫甚拙非何君閣道碑

之比嘉州夾江縣又有磨崖四百餘字云平鄉明

亭大道北与茂陽西与青衣越嶲通界回曲危險

扶風王君為民興利除害遣掾何章修治故書崖  
以頌之蓋和帝永元八年也筆札亦拙又崖石增

長字體失真无可取者

碑以徵為懲駁即峻字受  
即更字儻即擔字過即過

司隸校尉楊孟文石門

頌華陽國志  
楊君名渙

惟以靈定位川澤股躬澤有所注川有所通余言之  
川其澤南隆八方所達益域為充

高祖受命興於漢中道由子才出散入秦建定帝位

以漢詆罵

字馬

後以子才塗路此難更隨圍台復通堂

究凡此四道域高无字尤難至於永平其有四丰詔書

開余鑿通石門中遭元二西夷雷殘槁梁斷絕子才

復循上則縣峻屈曲深顛下則人

字入

真字真頌寫輸淵

平阿涼泥常蔭鮮晏木石相距利磨确略臨危槍碣

履尾心寒空輿輕騎遶昇弗前憲虫蔽狩蛇蛭毒蠃

未秋截霜稼苗及

字天

殘終丰不登價饒之患卑者楚

憲尊者弗安愁苦之難罵可具言於是明知故司隸

校尉健為武陽楊君厥字孟文深執忠伉數上奏請

有司議駁君遂執爭百遠咸從帝用是聽廢子由斯

得其度經功飭爾要啟而晏平清涼調和炁二艾寧

至建和二車仲冬上旬漢中太守隼為武陽王升字  
稚紀涉歷山道推序本原嘉君明知美其仁賢勒石  
頌德以明厥勲其辭曰

君德明二焯煥彌光刺過拾遺厲清八荒奉魁承杓  
綏億衙彊春宣聖日秋貶若霜無偏蕩二真雅以方  
寧靜烝庶政與乾通輔主匡君循禮有常咸曉地理  
知世紀綱言必忠義匪石厥章厥弘大節謹而益明  
揆注卓今謀合朝情二艱即安有勲有榮禹鑿龍門  
君其繼縱上順升斗字極下答以皇自南自北四海彼

通君子安樂庶土

字士悅雁商人咸懍震夫永同春秋

記異今而紀功垂深億載世二嘆誦

序曰明哉仁知豫識難易原度天道安危所歸勤二

竭誠榮名休麗

五官掾南鄭趙邵字季南屬襄中二崑漢彊字產

伯書佐西戎王式字文寶主

王府君閔台道

缺難分置六部道摛特遣行承事西

戎輔服字顯公都督掾南鄭魏整字伯玉後遣趙誦

字公梁案察中曹卓行造作石積萬世之基或解高

格下就平易行者欣然焉

伯玉即日遣署行丞事守安陽長

右故司隸校尉犍為楊君頌隸額在興元威宗建  
和二年漢中太守王升立碑云司隸校尉楊君厥  
字孟文水經及歐趙皆謂之楊厥碑蜀中晚出楊  
淮碑云司隸校尉楊君厥諱淮字伯邳大司隸孟  
文之元孫也始知兩碑皆以厥為語助此乃后政  
頌其勲德故尊而字之不稱其名順帝紀延光四  
年詔益州刺史罷子午道通褒斜路蓋從其所請

也子午者長安正南山名褒斜者漢中谷名高祖  
開石門史策不書亦見郾閣碑平帝時王莽以皇  
后有子孫瑞遂通子午永平之詔史亦闕文安帝  
永初元年先零叛斷隴道寇三輔入益州殺漢中  
守乃橋梁斷絕時也自明帝永平四年通石門至  
永初幾五十年自永初褒斜斷絕至延光四年凡  
十五年水經云石門穿山通道六丈有餘即秦人  
取蜀之石牛道楊君因而廣之蜀都賦岨以石門  
是也門在漢中之西褒中之北褒水南歷褒口北

出斜谷鄧騭傳元二之災注云元二即元元也古書字當再讀者即於上字之下為小二字言此字當兩度言之后人不曉遂讀為元二或全之陽九或附之百六良由不悟致斯乖舛岐州石鼓銘凡重言者皆為二字明驗也趙氏云此碑有曰中遭元二西戎虐殘橋梁斷絕若讀為元元則為不成文理疑當時自有此語漢注未必然也予按漢刺如北海相景君及李翊夫人碑之類凡重文皆以小二字贅其下此碑有烝烝明明蕩蕩世世勤勤亦不再出上一字然非若元二遂書為大二字也又孔耽碑云遭元二輶軻人民相食若作元元則下文不應又言人民漢注之非明矣王充論衡云今上嗣位元二之間嘉德布流三年零陵生芝草五本四年甘露降五縣五年芝復生六年黃龍見大小凡八章帝紀所書建初三年以后龍芝甘露之瑞皆同則論衡所云元二者蓋謂即位之元年二年也鄧君傳云永初元年夏涼部畔羗搖蕩西州詔騭將羽林軍五校士擊之冬徵騭班師迎拜

為大將軍帝紀班師在二年十一月傳有脫字也時遭元二之災人

士荒飢盜賊群起四夷侵畔隲崇節儉罷力沒進

賢士故天下復安四年以母病求還侍養則此傳

所云元二者亦謂元年二年也安帝紀書兩年之

間万民飢流羗豹叛戾又與傳同此碑所云西戎

虐殘橋梁斷絕正是鄧隲出師時則史傳碑碣皆

與論衡合建初者章帝之始年永初者安帝之始

年乃知東漢之文所謂元二者如此碑以余台為

詆為抵此為澁蔭為陰遠為寮幣狩為斃獸街為

字塗即塗字斷即斷字脍即脍字遼即滯字尋即碑

字繼

### 廣漢長王君治石路碑

表

惟右部官國之珍寶衝路危險俠石瞻岩缺道人馬

缺行為民隆害歷世彊久靡有苗心長廣漢

王君建和二車冬任掾楊缺攻沿治破壞又從涂口

繇平缺三井間道至別鹽得去危就安功夫九百餘

日成就通達永傳億歲無窮記

弟子楊子欽奉為佗缺定遠造字缺六

右廣漢長王君治石路碑以一表字題其上洵

志武帝穿漕渠令齊人水工徐伯表注謂巡行而

表記之与此蓋同意王君政治崖路危險去民隆

宮標表其事文不滿百在今漢州威宗建和二年

楊子欽所作彌字

武都太守李翕西狹頌

漢武都太守漢陽阿陽李君諱翕字伯都天姿明敏

敦詩悅禮膺祿美厚繼世郎吏秀而宿衛弱冠典城

有阿鄭之化是日三劄符南發黃龍嘉禾木連甘露

之瑞動順經古先之曰博愛陳之曰德義示之曰好

憲不肅而成不嚴而治朝中惟靜威儀抑抑智却部

職不出府門政約令行強不暴寬知不訖愚屬縣超

教無對會之事傲外來庭面縛二千餘人乖穀屢登

倉庫惟億百姓有蓄粟麥五錢郡西狹中道危難阻

峻緣崖俾閣兩山壁立隆崇造雲下有不測之谿阨

芒促迫財財字商車騎進不能濟息不得駐數有顛覆

賈隧之周過者創楚帟帟其慄君踐其險若涉淵水



水嘆曰詩所謂如集于木如臨于谷斯其殆哉因其  
 事則為設備今不圍之為患無已勅衡官有秩李瑾  
 掾仇瓘因常繇道造鑿燒破析刻石確鬼滅高就埤  
 平夷正曲柙竣土石堅固廣大可日夜涉四方允維  
 行人懽懽民歌德惠穆如清風局刊斯石曰  
 赫赫明后柔嘉惟則克長克君牧守三國三國清平  
 詠歌懿德瑞降豐稔民日貨種威恩竝隆遠人賓服  
 鑿山浚瀆路已安直繼禹之迹亦世賴福  
 建寧四年六月十三日王寅造時府

丞右扶風陳倉呂國字文寶  
 故府掾孟字

右武都太守李翕西狹頌在成州今之階成興鳳  
 皆漢武都郡也李君治武都橋道前后三處磨崖  
 棧險架橋則鄣閣鑿崖治路則西狹天井此碑靈  
 帝建寧四年刻彼兩碑皆次年刻者歐得其一趙  
 得其二天井一碑是時未出南豐曾子固跋此碑  
 云翕與功曹史李旻定策勅衡官掾仇審治東阪  
 有秩李瑾治西阪鑿燒火石人得夷塗作頌刻石  
 其文有二所識一也其一刻於四年六月十三日

壬寅其一是年六月

三十日刻今集古之家惟有壬寅一碑李旻定英碑中不見天井吏屬却有李旻姓名始知南豐非輕信異聞必是西狹第二碑所載近歲武

都樵人斬刈藤葛始見石上有天井刻字倚崖縛架椎拓甚艱寺僧或以惡木蔽晦日后碑恐有此

患碑以荊為剖芒為窄隧為墜

怖為踊植為殖憲即惡字

李翕黿池五瑞碑

黃龍 白鹿 木連理 嘉禾 甘露降 承露人

君昔在黿池脩嶠嶽之道德治精通致黃龍白鹿之

瑞故圖畫其像

右李翕黿池五瑞碑李君昔治黿池臻此瑞物及

西狹磨崖因刻於前非碑陰也黿池有二穀屬洪

農郡

李翕析里橋郵閣頌

惟斯析里處漢之右溪源漂疾橫柱于道涉秋霖漉

盆溢缺漏濤波滴沛激揚絕道漢水送讓稽滯商旅

路當二州經用汙沮縣士民或給州府休謁注還

恒共日晷行理咨嗟郡縣所苦斯谿既然郵閣尤甚

緣崖鑿石處隱定柱臨深長淵三百餘丈接木相連

號為萬柱過者慄慄載乘為下常車迎布歲數千兩  
遭遇隕納人物俱陷沈沒洪淵酷烈為禍自古迄今  
莫不創楚於是

大守漢陽阿陽李君諱翕字伯都以建寧三年二月

辛巳到官思惟惠利有以綏濟聞此為難其日久矣

嘉念高帝之開石門元功來朽乃俾衡官掾下辨仇

審改解危殆即便求隱析里大橋於今乃造校致致

堅字缺二五巧雖昔魯斑亦莫擬象又醴散關之漸漂

逆朝陽之平燦減西字缺二高閣就安寧之石道禹導

江河以靖四海經記厥績艾康萬里臣字缺三勒石示

後乃作頌曰

字缺四降茲惠君克明俊德允武允文躬儉尚約化流

若神慶氓如字缺三平均精通皓穹三納符銀所歷垂

勲香風有隣仍致瑞應豐稔字缺五樂行人夷欣慕君

靡已乃詠新詩

字缺四子川兌之間高山崔隗子水流蕩蕩地既墜確

子與寢為隣字缺六以析分或共緒業子至巧困貧危

危累卯子聖朝閔憐託文究字缺五救傾子全

育缺遺劬勞日稷子惟惠勤勤黃邵朱龔子蓋系

四缺

建寧五

字缺二

月十八日癸

缺下

時衡官

字缺三

仇審字孔信

從史位

字缺四

字漢德為屯頌

故吏下

字缺三

子長書屯頌

時石師南

字缺四

威明

右析里橋郝閣頌隸額今在興州靈帝建寧五年立后西狹碑一歲別有數行刺書撰人及石師姓

名歐公謂遭遇隕納及醜散關之嶰歐誤灑灑灑朝

陽之平煇刺畫完而莫詳其義或是用字假借案

碑言閣道危殆車乘注還人物俱墮則隕納謂墜

淵也煇即燥字醜與釋全太史公書皆狀楊著碑

醜榮投黻景君碑農夫醜耒之類是也其云劬勞

日稷蓋用穀梁子曰下稷之文靈臺費鳳碑亦有

之碑以橫柱為橫注益溢為溢行理為行

桂陽太守周憬功勳銘

桂陽太守周府君者徐州下邳人也諱憬字君光體

性敦仁天姿薦厚行興閨門名缺州里奉孝廉拜尚

書侍郎遷汝南固始相遂拜桂陽廼宣魯衛之政敷

二南之澤政以德綏化猶風騰撫集丞細缺綏有方

進則貞直退則錯柱崇舉濟濟吉土士充朝招訓缺

蒙開誘六蔽君子道長小人道消信感神祇靈瑞苻

缺嘉穀生於墜竒草像蓬蒿異相之樹超然連理於

此缺時邦域惟寧郡又與與南海接比商旅所臻自

瀑亭至乎曲紅壹由此水其水源也出於王禽之山

山蓋隆字缺三于天泉肇沸踊發射其顛分汜離散為

十二川彌陵隴阻立阜錯連隅陬塵藹未由騁焉爾

乃貫山鑽石經字缺四揚爭怒浮沈潛伏地龍蛭屈澧

隆鬱泡干渠萬澮合聚谿澗下迄安甌六瀧佗難湍

瀨涇涇泣汙潺湲雖詩稱百川沸騰高岸為谷深谷

為陵蓋莫若斯天軌所經惡得已改其下注也若奔

車失轡狂牛無縻缺勿流忽臚睦不相知及其上也

則羣輩相隨檀柁提缺唱號慷慨沈深不前其成敗

也非徒喪寶玩墮珍竒替珠貝汩象犀也往古來今

變甚終矣於是府君乃思夏后之遺訓缺應龍之畫

傷行旅之悲窮哀由人困厄感蜀守冰跡絕犁雕嘉  
 夫昧淵永用夷易迺命良吏煥帥壯夫排積膳石投  
 之窳缺二高填下鑿截回曲弭水之邪性順導其經  
 脉斷硯溢之電波弱陽侯之汹涌由是小溪局平直  
 大道允通利挹布貿絜交易而至升涉周旋功萬於  
 前除昔缺二樹基於茲雖非龍門之鴻鴻績亦人君  
 之德宗故胎船人嘆於水渚行旅語於涂陸孔子曰  
 禹不決江踈河吾其魚矣於是熹平三季歲在攝提  
 仲冬之月曲紅長零陵重安區祉字景賢遵承典憲

宣揚德訓帥禮不越欽仰高山乃與色子故吏龔其臺  
 郭蒼龔維等命工擊石建碑于瀧上勒銘公功傳之  
 萬世垂示無窮其辭曰

乾比剖兮建兩儀剖采分兮有險夷咨中獄兮穆崔  
 嵬嘆衡林兮獨傾虧增陵峭兮甚隘陔鮫莫涉兮禹  
 不規仰王禽兮又崑崙俯瀧淵兮怛以悲岸參天兮  
 無路溪石縱橫兮涿涸洄波隆隆兮聲若雷或抱負  
 兮以從利或追恩兮有赴義汜自楫兮有不避缺躬  
 軀兮於玄池委性命兮於芒緇憻寒慄兮不皇計忽

隨深兮殆忘歸懿賢后兮發亘聖英閉不通兮治斯

谿麋巨石兮以湮填開切促兮導曲機摧六瀧兮弱

兮散其波威怒定兮混瀾瀾息聊啾兮逝

兮蛟龍滅睦老唱兮臚人歌名嗣卉兮

超踰倫今稱缺兮耀深沙功斐斐兮鏡海裔君兮君

壽不訾

右神漢桂陽太守周府君功勲之紀銘隸額周君

名憬自固始相為桂陽守碑云熹平三年歲在攝

提仲冬之月曲經長區祉與色子故吏建碑于瀧

上蓋靈帝甲寅年也茲水發源王禽山千渠萬漕

下湊六瀧舟楫過之若奔車失轡狂牛無縻喪寶

玩流象犀積有日矣周君思夏后龍門之績感李

冰離堆之事排治湍梗人得利涉故紀其功勲銘

辭全通騷雅有瓠子歌遺意韓退之詩云南下樂

昌瀧險惡不可狀者即謂此也樂史寰宇記云瀧

上有太守周昕廟今碑在韶州張九齡廟中其名

尚隱隱可辯蓋憬字也予嘗侍親度嶺留英州其

郡東亦有瀧問之云彼處壤沃宜稻而山甚高峭

僅有鳥道負擔者不可下土人斬竹為簰以器貯  
 米寘其上俟雨至澗通隨飛瀑魚貫而下注于深  
 潭入水底始再出碎于石者什五六謂之瀧如此  
 碑以塵藹為壅過犁雕為  
 犁堆小溪路後皆為蹊

周憬碑陰

故曲紅長零陵重安區祉字景賢故舍涯長南郡郎  
 蒼陸字缺夏故涇陽守長南平丞長沙漢昌蹇祗字  
 宣節故行事耒陽舉曼字漢威故荊州從事曲紅龔  
 基字少謙故荊州從事曲紅郭蒼字伯起故荊州逆


事柳王鼎字季尼故南部督邛曲紅龔雒字缺然故  
 吏曲紅鄧音字孝直故吏曲紅朱隲字義德故吏曲  
 紅張源字子才故吏曲紅龔達字缺通故吏曲紅黃  
 部字琦尼故吏曲紅周蓋字伯嘗故吏曲紅黃晏字  
 子齊故吏曲紅馬珪字元序故吏曲紅潭承字寧升  
 故吏曲紅劉鵠字季產故吏曲紅黃祺字缺仁故吏  
 曲紅周習字仲鸞故吏曲紅劉述字子省故吏柳褚  
 禧字缺讓故吏耒陽蔡缺字已明故涇陽左尉零陵  
 泉陵缺三故吏涇陽劉明字仲缺故吏涇陽左勝字





仲升故吏湏陽左蘇字妙舉故吏湏陽宋碩字子張  
故吏舍漚堯禹字公利故吏舍漚張邵字寧威故吏  
舍漚黃詳字伯節工阡南陽宛王選字子彊

右周憬碑陰宰曲紅者一人貫曲紅者十六人熊  
君碑亦全兩漢書皆作曲江諸家地理書皆云水  
流屈曲故曰曲江唯水經去縣昔号曲紅山之名  
也前書工女大功皆只同用紅字未知水經何所  
據也

隸釋卷第四





神升夜更... 陽... 故史全... 全... 右... 君碑... 流... 也前書... 據也... 釋卷第四

... 陽... 故史... 全... 右... 君碑... 流... 也前書... 據也... 釋卷第四

